



12

2 B

23

Ex Bibliotheca
majori Coll. Rom.
Societ. Jesu

14-7-a.7

16.

C

15.

46

C

11

46.14.15.





FRANCISCI
BACONI EQVITIS
AVKATI,

Magni Angliæ Sigilli
Custodis

DE SAPIENTIA
VETERVM, LIBER,

Ad Inclytam Academiam
Cantabrigiensem;

Iam recusus.



Ex Lib.



M. Cocin



LONDINI,
Apud IOHANNEM
BILLIVM,

Anno M.DC.XVII.

THE NATIONAL
ARCHIVES

RECORDS OF THE
DEPARTMENT OF THE INTERIOR

LAND OFFICE
WASHINGTON, D. C.



RECEIVED
JAN 10 1900

FILED
JAN 10 1900



ALMÆ MATRIS,

Inclytæ Academiæ CAN-

TABRIGIENSIS.




Vm sine Philoso-
phiâ me certè nec
viuere iuuat; me-
ritò vos in mag-

no honore habeo; à quibus mihi
ista vitæ præsidia, & solatia
fluxerint. Itaque hoc nomine,
& me, & mea vobis debere
profiteor, quo minus mirum
sit, si vos vestris remune-
rem; ut motu naturali rede-
ant à quo traxerint originem.
Et tamen nescio quomodo, rara

A 2

viden-



videntur, Vestigia vos re-
trorsum spectantia: cum in-
finita à vobis profecta sint.
Nec nimium mihi sumam (ut
opinor) si sperem, propter re-
rum usum mediocrem, quod
nostrum vitæ genus, & insti-
tutum necessario traxit; non-
nullam ad hominum doctorum
inuenta, per hæc nostra, fa-
ctam esse accessionem. Equi-
dem in eâ opinione sum, Con-
templationes in Vitam Acti-
uam translatas, nonnihil novi
decoris, & vigoris acquirere;
& suppetente uberiore ma-
teriâ, & magis altas fortasse
radices agere, aut certè ma-
gis proceras, & frondosas e-
uadere.

uadere. Neque vos (ut arbitror) ipsi nostis, quàm latè pateant *Vestra*, quàmque ad multa pertineant. Aequum est tamen omnia vobis attribui, atque in vestrum honorem cedere, cum Accessiones quæque Principijs magnâ ex parte debeantur. Neque verò ab homine occupato, aliquid exquisitum, aut otij miracula, & prærogatiuas requireris; sed & hoc amoris meo summo erga vos, & *Vestra*, tribuetis; quòd inter rerum Ciuiliū spinas, hæc non prorsus perierint, sed vobis *Vestra* seruata sint. *Valete.*

Alumnus vester amantissimus,


FRA. BACONVS.

Priscæ Sophiæ.

C	A S S A N D R A , siue Parresia.	I
	pag.	
T	Y P H O N , siue Rebellis.	3
C	Y C L O P E S , siue Ministri terro-	
	ris.	7
N	A R C I S S V S , siue Philautia.	9
S	T Y X , siue Fœdera.	11
P	A N , siue Natura.	14
P	E R S E V S , siue Bellum.	28
E	N D Y M I O N , siue Gratosus.	34
S	O R O R G Y G A N T V M , siue Fa-	
	ma.	36
A	C T æ O N E T P E N T H E V S ,	
	siue Curiosus.	38
O	R T H E V S , siue Philosophia.	40
C	O E L V M , siue Origines.	45
P	R O T E V S , siue Materia.	49
M	E M N O N , siue Præmaturus.	53
T	Y T H O N V S , siue Satiæ.	54
P	R O C V S I V N O N I S , siue Dede-	
	cus.	56
C	V P I D O , siue Atomus.	57
	18 D I O -	

Priscæ Sophiæ.

18	<u>DÌ O M E D E S</u> , siue Zelus.	63
19	<u>Dæ D A L V S</u> , siue Mechanicus.	67
20	<u>E R I C T H O N I V S</u> , siue Impos- tura.	72
21	<u>D E V C A L I O N</u> , siue Restitutio.	73
22	<u>N E M E S I S</u> , siue Vices Rerum.	74
23	<u>A C H E L O V S</u> , siue Prælium.	78
24	<u>D I O N Y S V S</u> , siue Cupiditas.	80
25	<u>A T A L A N T A</u> , siue Lucrum.	87
26	<u>P R O M E T H E V S</u> , siue Status ho- minis.	89
27	<u>S C Y L L A</u> , & <u>I C A R V S</u> , siue Via media.	108
28	<u>S P H Y N X</u> , siue Scientia.	110
29	<u>P R O S E R P I N A</u> , siue Spiritus.	116
30	<u>M E T I S</u> , siue Consilium.	123
31	<u>S I R E N E S</u> , siue Voluptas.	124



P R Æ F A T I O .



Antiquitatem primæquam, (exceptis quæ in Sacris literis habemus) Obluio & Silentium inuoluit; Silentia Antiquitatis; Fabulæ Poëtarum exceperunt: Fabulis tandem succellere Scripta quæ habemus, Adeo vt Antiquitatis Penetralia, & recessus à sequentium Sæculorum Memoria, & euidencia tanquam Velo Fabularum discreta & separata sint; quod se interposuit, & obiecit medium, inter ea quæ perierunt, & ea quæ extant. Equidem existimo pleròsque in ea opinione fore, me delicias ac ludos facere; atque similem ferè licentiam in transferendis fabulis vsurpare, ac ipsi Poëtæ sibi sumpserint in fingendis; quod pro meo iure sanè facere possem, vt contemplationibus magis arduis, hæc ad voluptatem, siue meditationis propriæ, siue lectionis alienæ aspergerem. Neque me latet quàm versatilis materia sit Fabula, vt huc illuc trahi, imò & duci possit; quantùmque ingenij commoditas & discurtus valeat, vt quæ nunquam cogitata sint, bellè tamen attribuantur. Etiam illa cogitatio animum subit, vsum huiusce rei iampridem contaminatum esse. Multi enim,

P R Æ F A T I O.

nim, vt inuentis & placitis suis antiquitatis
 venerationem acquirerent, Poëtarum Fa-
 bulas ad ea traducere conati sunt. Atque
 vetusilla vanitas & frequens, nec nuper na-
 ta, aut rarò vsurpata est. Nam & olim *Chry-*
sippus, Stoicorum opiniones vetustissimis
 Poëtis, veluti Somniorum aliquis Interpres
 ascribere solebat; Et magis insulsè, *Chymici*
 ludos, & delicias Poëtarum in corporum
 transformationibus, ad tornacis experi-
 menta transtulerunt. Hæc (inquam) cun-
 cta nobis satis & explorata, & expensa
 sunt; omnémque ingeniorum circa Alle-
 gorias leuitatem & indulgentiam perspexi-
 mus, & notauimus, neque propterea omni-
 nò de sententiâ decedimus. *Primo* enim ab-
 sit, vt paucorum ineptiæ & licentia, Para-
 bolarum honori in genere detrahant. Hoc
 enim prophanum quiddam sonat, & audax,
 cùm huiusmodi velis & vmbris Religio
 gaudeat, vt qui eas tollat, Commercia diui-
 norum, & humanorum ferè interdicat. Ve-
 rùm de humanâ Sapientiâ videamus. Fate-
 or certè ingenuè & libenter, me in hanc
 sententiam propendere, vt non paucis An-
 tiquorum Poëtarum fabulis Mysterium, &
 Allegoriam iam ab origine subesse putem;
 siue captus veneratione Prisci sæculi; siue
 quòd in nonnullis Fabulis reperio tantam
 similitudinis cum significato coniunctio-
 nem, & texturâ ipsâ Fabulæ, & proprietate
 Nominum quibus personæ, siue Actores
 Fabulæ insigniti & veluti inscripti prode-
 unt, tam aptam & tam claram; vt sentum

P R Æ F A T I O.

illum ab initio præceptum & cogitatum fu-
 ille, & de industriâ adumbratum, nemo
 constantèr negauerit. Quis enim ita du-
 rus est, & ad aperta cæcutiens, vt cùm au-
 diat *Famam*, *Gyganibus* extinctis, tanquam
 sororem *Polthumam* progentam esse, non
 illud ad *Murmura* partium & *famas* leditio-
 sas, quæ sopitis *Rebellionibus* ad tempus
 vagari solent, referat? Aut cùm audiat *Ty-*
phouem *Gyganem*, *neruos Iouis* secuisse, & ab-
 stulisse, ac *Mercurium* eos suffratum esse,
 & *Iouis* reddidisse; non statim aduertat hoc
 ad *Rebellores* præualidas pertinere, quæ
 regibus *neruos* & *pecuniarum*, & *authori-*
tatis incidunt, ita tamen, vt per *Sermonum*
comitatem, & *prudencia Edicta*, *animi*
subditorum, non ita multò post quasi fur-
 tim reconcilientur, & vires *Regibus* resti-
 tuantur? Aut cùm audiat in illâ memora-
 bili *Deorum* contra *Gygantes* *Expeditione*,
Asinum Sileni cùm ruderet, *maximi*
momenti ad profligandos *Gygantes* fuisse;
 non liquidò cogitet hoc de vastis *Rebellium*
conatibus, qui plerunq; per *inanes rumo-*
res, & *terrores* dissipantur, confictum fuisse?
 Etiam *Nominum* conformitas & *Indici-*
um, Cui tandem *hominum* *obscurum* esse
 potest? Cùm *Metis* *uxor Iouis* planè *confi-*
lium sonet; *Typhon* *tumorem*, *Pan* *uni-*
uersum, *Nemesis* *vindictam*, & *similia*. Ne-
 que illud quæquam moueat, si aliquid in-
 terdum *Historiæ* subsit, aut si nonnulla
Ornamenti gratiâ addita sint, aut si *Tem-*
pora confundantur, aut si ex vnâ *Fabulâ*
 quippiam

PRÆFATIO.

quippiam transferatur in aliam, & noua Allegoria inducatur. Necesse enim fuit hæc fieri, cum Inuenta virorum fuerint, qui & ætate disiuncti, & instituto diuersi erant; cum alij antiquiores, alij recentiores fuerint, alij rursus naturam rerum, alij res ciuiles sibi proponerent. Habemus etiam & aliud sensus occulti, & inuoluti signum non paruum, quod nonnullæ ex Fabulis tam absurdæ narratione ipsâ, & insulsæ inueniuntur, vt Parabolam etiam ex longinquo ostendent, & veluti clament. Quæ enim probabilis est Fabula, etiam ad voluptatem, & Historiæ similitudinem conficta esse potest: Quod autem nulli in mentem venisset cogitare, aut narrare, id in alios vsus quæsitum videtur. Quale enim figmentum illud? *Ieuem, Metin* in vxorem accepisse, eamque statim vt grauidam sensisset comedisse, vnde ipse grauidus fieri cœpit, & *Palladem* armatam ex capite peperit? Equidem existimo nulli mortaliū obuenire, vel somnium tam extra cogitationis vias situm, & monstruosum. Ante omnia illud apud nos maximè valuit, & plurimum ponderis habuit, quod ex fabulis complures nullo modo nobis videntur ab eis inuentæ, à quibus recitantur & celebrantur, *Homero, Hesiodo*, reliquis; si enim liquidò nobis constitisset eas ab illâ ætate, atque illis authoribus manasse, à quibus commemorantur, & ad nos deuenerunt; nil magni certè, aut excelli ab huiusmodi origine nobis (vt nostra fert coniectura) expectare,

P R Æ F A T I O.

pectare, aut suspicari in mentem venisset. Verum si quis attentius rem consideret, apparebit, illas tradi, & referri tanquam prius creditas, & receptas, non tanquam tum primò excogitatas, & oblatas. Quinetiam cum diuersis modis à Scriptoribus ferè Coæuis referantur; facile cernas quod commune est, ex veteri memoriâ desumptum; quod varium, ex singulorum ornatu additum: Atq; hæc res existimationem earum apud nos auxit, ac si nec Ætatis, nec Inventionis Poëtarum ipsorum essent; sed veluti Reliquiæ sacræ & Auræ tenues, temporum meliorū; quæ ex traditionibus Nationum magis Antiquarum in Græcorum Tubas & Fistulas incidissent. Quod si quis obstinato animo contendat, Allegoriam in fabulâ semper subditiciam, & impositam, nec omnino nativam, & genuinam fuisse, ei molesti non erimus sed gravitatem illam iudicii, quam afficitur, licet hebetiorem & ferè plumbeam, remitteremus; atque illum (si modò dignus sit) alio modo, tanquam de integro adoriemur. Duplex apud homines repertus est, atque increbuit Parabolarum usus, atque quod magis mirum sit, ad contraria adhibetur. Faciunt enim Parabolæ ad Involucrum & Velum; faciunt etiam ad Lumen & Illustrationem. Atque misso illo usu priore (põrius quàm lites suscipiamus) & receptis fabulis antiquis, ut fœbus vagis, & ad delectationem compositis; Manet tamen proculdubio posterior iste usus, neque vllâ ingenij

PRÆFATIO.

ingenij violentiâ nobis extorquebitur, neque impediet quisquam, (qui sit mediocriter doctus) quin protinus recipiatur tanquam res grauis & sobria, atque omnis vanitatis expers, & Scientijs apprimè utilis, atque adeò necessaria; Hoc ipsum, inquam, ut in inuentis nouis, & ab opinionibus vulgaribus remotis & penitus abstrusis, acitus ad intellectum humanum magis facilis & benignus per easdem quærat. Ita que Antiquis Sæculis, cùm rationis humanæ inuenta, & conclusiones etiam ex quæ nunc tritæ & vulgatæ sunt, tunc temporis nouæ & insuetæ essent, omnia Fabularum omnigenûm, & Ænigmatum & Parabolarum, & similitudinum plena erant: atque per hæc docendi ratio, non occultandi artificium quæsitum est; rudibus scilicet tunc temporis hominum ingenijs, & subtilitatis, nisi quæ sub sensum cadebat, impatien-
tibus, & ferè incapacibus. Nam ut *Hieroglyphica* Literis, ita *Parabolæ* Argumentis erant antiquiora. Atque etiam nunc, si quis nouam in aliquibus lucem humanis mentibus affundere velit, idq; non incommodè & asperè, prorsus eâdem viâ insistendum est, & ad similitudinum auxilia confugiendum. Quare quæ dicta sunt, ita claudemus. *Sapientia* Prisci Sæculi, aut magna, aut fœlix fuit: Magna, si de industria excogitata est *Figura* siue *Tropus*: Fœlix, si homines aliud agentes, materiam & occasionem tantæ contemplationum dignitati præbuerent. Operam autem nostram (si quid in eâ sit,

PRÆFATIO.

fit quod iuuet) in neutrà re malè collocatam censebimus. Aut enim Antiquitatem illustrabimus, aut res ipsas. Neque possum ignorare hanc rem ab alijs tentatam esse: sed tamen vt quod sentiam, eloquar, idque non fastidiosè sed liberè, Rei decus & virtus ex huiusmodi laboribus licèt magnis & operosis, serè perijt: dum homines rerum imperiti, & non vltra Locos certos Communes docti, Parabolarum sensus ad vulgaria quædam, & generalia applicauerunt, atq; earundem vim veram & proprietatem genuinam ac indagationem altiore non attigerunt. Nos autem erimus (ni fallimur) in rebus vulgaris noui, & aperta & plana à tergo relinquentes, ad vltiora, & ditiora tendemus.

DE



DE SAPIENTIA VETERVM.

I.

CASSANDRA,
siue Parresia.

Narrant CASSANDRAM
ab Apolline adamatam
fuisse, atque varijs artifi-
cijs eius desideria elusisse,
spes nihilominus fouisse, quousque do-
num Diuinationis ab eo extorsisset;
tum verò nactam quod ab initio dissi-
mulatione suâ quasisset, preces eius
apertè reiecisse: Illam cum quod te-
merè largitus erat nullo modo renocare
posset, & tamen vindictâ arderet, nec
fœminæ callide ludibrio esse vellet, mu-
neris suo pœnam addidisse; ut illa qui-
dem vera semper predicaret, sed nemo
ei crederet; itaque vaticinijs eius ve-
ritas

ritas mansit; fides defuit: quod illa
perpetuò experta est etiam in excidio
Patriæ suæ, de quâ sæpius monuerat,
nemine auscultante, aut credente. Fa-
bula de intempestivâ, & inutili liber-
tate consiliorum, & monitorum con-
ficta videtur: Qui enim ingenio sunt
peruicaci & aspero, nec se Apollini,
id est, Deo Harmoniæ submittere vo-
lunt, ut rerum modos, & mensuras,
sermonumque veluti tonos, acutos &
graves, aurium etiam magis perita-
rum, & magis vulgarium differentias,
tempora denique tum loquendi tum
silendi ediscant & obseruent: licet sint
prudentes & liberi, & consilia afferant
sana & bona; nunquam tamen ferè
suasum & impetum suo proficiunt, neque
ad res tractandas efficaces sunt; sed po-
tius exitium eis apud quos se ingerunt,
maturant, & tum demum post cala-
mitatem & euentum, ut vates & in
longum prospicientes celebrantur. At-
que huius rei exemplum eminet in
M. Catone Uticensi. Ille enim interi-
tum Patriæ, & Tyrannidem primò ex
conspiratione, deinde ex contentione
Cæsaris

Cæſaris cum Pompeio ſecutam, diu autè, tanquam è ſpeculâ præuidit, & tanquam ex Oraculo prædixit; ſed nil profecit interim, verùm obſuit potiùs, & mala patriæ accelerauit. Id quod prudenter aduertit, & eleganter deſcribit M. Cicero, cùm ad amicum ita ſcribat: Cato optimè ſentit, ſed nocet interdum Reipublicæ: loquitur enim tanquam in Republicâ Platonis, non tanquam in fæce Romuli.

2.

TYPHON, ſiue Rebellis.

Narrant Poëtæ IUNONEM indignatam, quòd Iupiter PALLADEM ex ſeſe ſine eâ peperiffet, omnes Deos, atque Deas precibus fatigâſſe, ut ipſa etiam ſine Ioue partum ederet. Et poſtquam violentiæ, & importunitati eius annuiſſent, terram illa concuſſit, ex quo motu TYPHON natus eſt, Monſtrum ingens, & horrendum. Ille Serpenti veluti nutritio datus eſt, ut ab eo aleretur. Nec mora, poſtquam adoleuiſſet, quin bellum Ioni moue-

moueret. In eo conflictu Iupiter in-
testatem Gygantis venit, qui illum in
humeros sublatum in regionem remo-
tam, & obscuram transportauit, &
concisis neruis & manuum & pedum,
& secum abreptis, mancum, & muti-
latum reliquit. MERCVRIVS au-
tem nervos Iouis Typhoni suffuratus
est, atque eos Ioui restituit: Iupiter
confirmatus, Bellum rursus impetijt;
ac primum fulmine vulneravit, ex cu-
ius sanguine serpentes nati sunt. Tum
demum ruentem, & fugientem (Æt-
nam super eum iaculatus) mole mortis
oppressit. Fabula de fortuna Regum
variâ & Rebellionibus, quæ in Monar-
chijs quandoque euenire consueverunt,
conficta est. Reges enim regnis suis, ut
Iupiter Iunoni, veluti Matrimonij
vinculo iuncti rectè censentur: sed ac-
cidit nonnunquam ut imperandi con-
suetudine deprauati, & in Tyrannidem
vergentes, omnia ad se trahant, & con-
tempto Ordinum, & Senatus sui con-
sensu, ex sese pariant: id est ex arbitrio
proprio, & imperio mero cuncta admi-
nistrent. Id populi agrè ferentes, & ipsi
moliun-

moluntur Caput aliquod rerum ex
se creare, & extollere. Ea res ex oc-
cultâ sollicitatione nobilium, & proce-
rum ferè initia sumit, quibus connuen-
tibus, tum populi suscitatio tentatur;
ex qua Tumor quidam rerum (per
Typhonis infantiam significatus) sequi-
tur. Atque iste rerum status ab insitâ
Plebis prauitate & naturâ malignâ
(Serpente Regibus infestissimo) nutri-
catur. Defectione autem viribus coa-
luta, postremo res in apertam rebellio-
nem erumpit; qua quia infinita mala
& regibus & populis infligit, sub dirâ
illâ Typhonis effigie representatur; in
quâ Centum Capita ob diuisas potesta-
tes, Ora flammantia ob incendia, An-
guinum cingula ob pestilentias, (pre-
sertim in obsidionibus) Manus ferreae ob
cades, ungues Aquilini ob rapinas, Cor-
pus plumis contextû ob perpetuos rumo-
res, & nuncios & trepidationes, & hu-
iusmodi. Atque interdum Rebelliones
istae tam praeualidae sunt, ut Reges co-
gantur, tanquam à Rebellibus transpor-
tati, relictis Regni sedibus & urbibus
primarijs, vires contrahere, & in re-
motam

mutam aliquam, & obscuram Prouinciam ditionis sue se recipere, Nervis & Pecuniarum, & Maieſtatis acciſis: ſed tamen non ita multò poſt Fortunam prudenter tolerantes, virtute & indiſtriâ Mercurij neruos recipiunt, hoc eſt, affabiles facti, & per ediſta prudentia & ſermones benignos, reconciliatis ſubditorum animis & voluntatibus, ſubinde alacritatem ad impenſas conferendas, & nouum Auctoritatis vigorem excitant. Nihilominus prudentes, & cauti aleam Fortune tentare plerūque nolunt, & à pugnâ abſtinent, ſed tamen operam dant, ut aliquo facinore memorabili exiſtimationem Rebellium frangant. Quod ſi ex voto ſuccedat, Illi vulnera accepti conſci, & rerum ſuarum irepidi, primò uia fractas, & inanes minas veluti Serpentum ſibilos ſe vertunt. Deinde rebus deſperatis fugam capeſſunt. Atque tum demum poſtquam ruere incipiant, tutum eſt, & tempeſtiuū Regibus, copijs & vniuerſâ mole regni tanquam Aetna Monte eos perſequi, & opprimere.

3.

CYCLOPES, siue Ministri
terroris.

Narrant CYCLOPES, ob feritatem & immanitatem primò à Ioue in Tartarum detrusos, & perpetuò carceri adiudicatos fuisse: verum postea Tellus Ioui persuasit, ei non abs re fore, si eos vinclis liberaret, & eorum operà ad fulmina fabricanda uteretur. Quod & factum est, atque illi officiosi, & industrij fulmina atque alia terroris instrumenta assiduo opere & minaci strepitu fecerunt. Tempore autem labente euenit, ut Iupiter AEsculapio Apollinis filio succenseret, ob hominem medicinà à morte excitatum; Iram autem regens (quia parùm iusta indignandi causa suberat ob facinus pium, & celebre) CYCLOPES in eum secretò instigauit, qui nihil cunctati fulmine eum interemere: In cuius rei vindictam, Apollo Ioue non prohibente sagittis eos confecit. Fabula ad Regum facta pertinere videtur. Illi enim Ministros saeuos, & sanguinarios, & exaltos

Etiores primò supplicijs afficiunt, & à rebus summonent. Postea ex Concilio Telluris, id est, ignobili, & parùm honorifico, praevalente utilitate eos rursus adhibent, sicubi aut executionum seueritate, aut exactionum acerbitate opus est. Illi naturà truces, & ex priore fortunà exasperati, & satis sentientes, quid à illis expectetur, miram diligentiam in huiusmodi rebus praestant; sed parùm cauti, & ad gratiam incundam & aucupandam precipites, aliquando ex secretis Principum nutibus & incertis mandatis inuidiosam aliquam executionem peragunt. Principes autem inuidiam declinantes, & satis gnari huiusmodi instrumenta nunquam sibi defutura, eos destituunt; & propinquis & amicis eorum qui pœnas subièrunt, atque horum delationibus & vindicta & odio populari eos relinquunt, unde magno plausu, ex prosperis in reges votis & acclamationibus, serò magis quàm immeritò pereunt.

NAR.

4.

N A R C I S S V S , siue
Philautia.

N A R C I S S V S fuisse traditur forma, & venustate mirabilis, sed superbat superbia ingens, & fastidium intolerandum. Itaque cum sibi placeret, alios despicere, vitam egit solitariam in sylvis, & venationibus, cum paucis comitibus quibus ipse omnia erat. Assidebatur etiam cum ubique Nympha Echo. In hoc vite instituto fatale ei erat ad fontem quendam lymphidum venire, & iuxta eum sub aestu mediae diei decumbere. Cum autem in aqua Imaginem propriam aspexisset, in contemplationem sui, ac deinde in admirationem effusus, & raptus, nullo modo ab huiusmodi spectro, & simulacro distrahi poterat; sed perpetuo defixus obtoruit; ac tandem in florem nominis sui conuersus est; qui Flos ineunte Vere se ostendit, & Dijs inferis, Plutoni, Proserpinæ & Eumenidibus sacer est. Fabula illorum & ingenia & fortunas representare videtur, qui siue ob formam, siue

siue ob aliquas alias dotes, quibus ab ipsâ naturâ, nullâ accedente industriâ propriâ ornati & insigniti sunt, effuse se ipsos amant, & quasi depereunt. Cum hoc enim animi status coniunctum fere est; ut non multum in publico, aut in rebus civilibus versentur; cum in eo vitæ genere necesse sit occurrere multos neglectus & vilipendia, quæ animos eorum deicere & turbare possint. Itaque vitam plerumq; degunt solitariam, & priuatam, & umbratilem, cum perpauco comitum delectu; eoque ex ijs, qui illos magnopere colere, & admirari videntur, quique illis veluti Eccho in omnibus dictis suis assentantur, & verborum obsequia præstant. Ex hac consuetudine deprauatos, & inflatos, & tandem admiratione sui ipsas attonitos, mira occupat desidia & inertia, ut prorsus torpeant, & omni vigore, & alacritate destituantur. Eleganter autem sumitur Flos vernus ad huiusmodi ingeniorum similitudinem; cum illa ingenia sub initia sua floreant, & celebrentur, sed ætate confirmatâ expectationem de ijs conceptam desti-

destituant, & frustrentur. Eòdem pertinet, quod Flos ille Dys inferis sacer sit; quia homines talis indolis ad omnia inutiles prorsus evadunt. Quicquid autem nullum ex se fructum edit, sed (veluti via navis in mari) transit, & labitur, id apud antiquos umbris, & Dys inferis consecrari solebat.

5

STYX, siue Fœdera.

Pervulgata est narratio, & in compluribus fabulis interponitur, de unico illo Iuramento, quo Dij superi se obstringere solebant, cùm pœnitentie locum sibi nullo modo relinqui volebant. Illud Iuramentum nullam Maiestatem caelestem, nullum Atributum diuinum aduocabat, & testabatur; sed STY-
GEM, Fluvium quendam apud inferos, qui atria Ditis, multis spiris interfusus cingebat. Hæc enim formula Sacramenti sola, neque præter eam alia quæpiam, firma habita est, & inuiolabilis; Scilicet incumbibat pœna perurij, Dys imprimis metuenda, ut qui fefellisset, ad Deorum conviniaper cer-

B

ta

ta annorum spacia non accederet. Fabula de Fœderibus, & Pactis Principum conficta videtur: in quibus illud nimio plus quàm oporteret verum est, Fœdera quâcunque solennitate & religione iuramenti munita, parùm firma esse, adeò ut ferè ad existimationem, quandam & famam, & Ceremoniam magis quàm ad fidem & securitatem, & effectum adhibeantur. Quin si accesserint etiam affinitatis vincla veluti Sacramenta Nature, si merita mutua, tamen omnia infra ambitionem, & utilitatem, & Dominationis licentiam esse, apud pleròsque reperiuntur. Tantò magis, quòd Principibus facile sit per pretextus varios, & speciosos, cupiditates suas, & fidem minùs sinceram (nec mine rerum arbitro, cui ratio sit reddenda) tueri, & velare. Itaque vnum assumitur verum, & proprium fidei firmamentum, neque illud Divinitas aliqua cœlestis: Ea est Necessitas (Magnum potentibus Numen;) & Periculum Status, & Communicatio Utilitatis. Necessitas autem per STY-
GEM eleganter representatur, Flumen
fatale,

fatale, & irremeabile. Atque hoc numen aduocauit ad Fœdera Iphicrates Atheniensis; qui quoniam inuentus est, qui ea aperte loqueretur, quæ plerique tacite animo voluunt, non abs re su, ipsius verba referre. Is cum Lacedemonios, varias Cautiones & Sanctiones, & Fœderum Firmamenta, & vincula excogitare & proponere animaduertiret, interfatus; Vnum (inquit) Lacedemonij, nobis vobiscum vinculum, & securitatis ratio esse possit, si planè demonstretis, vos ea nobis concessisse, & inter manus posuisse, vt vobis facultas lædendi nos, si maximè velletis, minimè suppetere possit. Itaq; si facultas ledendi sublata sit, aut si ex fœdere rupto periculum ingruat perditionis, aut diminutionis status, aut vectigalium, tum demum fœderarata et sancta, et tanquam Iuramento STYGIS confirmata censeri possint: cum metus (nbsit interdicti illius & Suspensionis à Conuinjs Decorum; sub quo nomine Imperij Iura, & prerogative, & affluentia & felicitas antiquis significantur.

PAN, siue Natura.

ANtiqui uniuersam Naturam sub personâ PANIS diligentissime descripserunt; Huius generationem in dubio relinquunt. Alij enim asserunt eum à Mercurio genitum; alij longè aliam generationis formam ei tribuunt; Aiunt enim Procos uniuersos cum Penelope rem habuisse, ex quo promiscuo concubitu, PANA communem filium ortum esse. Atque in hac posteriore narratione, procul dubio, aliqui ex recentioribus, veteri fabula, nomen Penelopes imposuere, quod & frequenter faciunt, cum narrationes antiquiores, ad personas & nomina iuniora traducunt, idque quandòque absurdè & insulsè; ut hîc cernere est; Cùm PAN ex antiquissimis Dijs, & longè ante tempora Vliſſis fuerit, atq; insuper Penelope ob matronalem castitatem Antiquitati venerabilis haberetur. Neque pratermittenda est tertia illa generationis explicatio: quidam enim prodiderunt eum Iouis, & Hybreos,

Hybreos, id est, Contumelia filiū fuisse. Vtunque orto, Parcæ illi sorores fuisse perhibentur. Effigies autem PANIS talis ab Antiquitate describitur: Cornutus, cornibus usque ad Cælum fastigiatis, corpore toto hirsutus, & villosus, barbâ imprimis promissâ. Figura biformis, humana quoad superiora, sed semisera, & in Capræ pedes desinens. Gestabat autem Insignia Potestatis, sinistrâ, Fistulam, ex septem calamis compactam; dextrâ Pedum, siue Lignum, superius curuum, & inflexum; Induebatur autem Chlamide ex pelle Pardalis. Potestates ei et Munera huiusmodi attribuuntur, ut sit Deus venatorum, etiam pastorum, & in uniuersum Ruricolarum: Præses item Montium: erat etiam proximus Mercurio Nuncius Deorum. Habebatur insuper Dux, & Imperator Nympharum, quæ circa eum perpetuò Choreas ducere, & tripudiare solebant: comitabantur & Satyri, et his seniores Sileni. Habebat etiam potestatem terrores immittendi præsertim inanes, & superstitiosus, qui et Panici vocati sunt. Res gesta au-

tem eius non multa memorantur: Illud precipuum, quod Cupidinem provocauit ad luctam, à quo etiam in certamine victus est. Etiam Typhonem Gygantem retribus implicauit, & cohibuit: atque narrant insuper, cum Ceres mœsta, & ob raptam Proserpinam indignata, se abscondisset, atque Di omnes ad eam inuestigandam magnopere incubuissent, & se per varias vias dispersiti essent; PANI solummodo ex felicitate quâdam contigisse ut inter venandum eam inueniret, et indicaret. Ausus est quoque cum Apolline de victoria Musices decertare, atque etiam Myda iudice prelatus est: ob quod Indiciu Mydas asininas aures tulit, sed clam, & secretò. Amores PANIS nulli referuntur, aut saltem admodum rari, quod mirum inter turbam Deorum, prorsus tam profusè amatorium videri possit. Illud solummodo ei datur, quod Eccho adamaret, quæ etiam uxor eius habita est, atq; vnâ etiam Nympham Syringam nomine, in quam propter iram, & vindictam Cupidinis (quem ad luctam provocare non reueritus

reueritus esset) incensus est. Neque etiam prolem ullam suscepit (quod similiter mirum est, cum Dy præsertim Masculi prolifici admodum essent) nisi quod ei tribuatur tanquam filia, muliercula quedam Ancilla I A M B E nomine, quæ ridiculis narratiunculis oblectare hospites solebat, eiusque proles ex coniuge Eccho esse, à nonnullis existimabatur. Fabula nobilis, si quæ alia, atque naturæ arcanis & mysterijs grauida, & quasi distenta.

P A N (ut & nomen ipsum etiam sonat) Vniuersitatem Rerum, siue Naturam representat & proponit. De huius origine, duplex omnino sententia est; atque adeò esse potest: aut enim à MERCURIO est, verbo scilicet diuino, (quod & Sacra litera extra controuersiam ponunt, & Philosophis ijs, qui magis diuini habitus sunt visum est;) aut ex confusis rerum seminibus. Qui enim unum rerum principium posuerunt, aut ad Deum illud retulerunt; aut si materialium principium volunt, illud tamen potentiâ varium asseruerunt: adeò ut omnis huiusmodi

*controuersia, ad illam distributionem
reducatur, ut Mundus sit, vel à Mer-
curio, vel à Procis omnibus.*

*Namque canebat uti magnum per inane coacta
Semina, terrarumq; animarq; Marisq; fuissent
Et liquidi simul ignis, & hijs exordia primis,
Omnia & ipse tener Mundi concreuerit orbis.*

*Tertia autem generatio Panis eius-
modi est, ut videantur Greci aliquid
de Hebraeorum mysterijs, vel per Æ-
gyptios internuncios, vel utcumque in-
audiuisse; pertinet enim ad statum
Mundi non in meris natalibus suis, sed
post lapsum A D A M I, morti, & cor-
ruptioni expositum, & obnoxium fa-
ctum. Ille enim status, Dei, & Pec-
cati proles fuit, ac manet. Itaque tri-
plex ista narratio de generatione P A-
N I S, etiam vera videri possit, si ritè
& rebus, & temporibus distinguatur:
Nam iste P A N, quem intuemur, &
contemplamur, ac nimio plus quam
oportet colimus, ex verbo Diuino, me-
diante Confusâ Materia, & subintran-
te Præuincatione, & Corruptione or-
tum habet. Natura rerum, Fata re-
rum, sorores verè perhibentur & po-
nuntur; naturalium siquidem Causa-
rum*

rum Catena Ortus rerum, & Durationes, & Interitus, & Depressiones, & Eminentias, & Labores, & Felicitates, & Fata denique omnia, quæ rebus accidere possunt, trahunt. Cornua autem Mundo attribuuntur; quòd Cornua huiusmodi ab imolatione, ad verticem acuta sint: Omnis enim rerum natura instar Pyramidis acuta est: Individua enim infinita sunt; ea colliguntur in species, & ipsas multiplices. Species rursus insurgunt in genera, atque hac quoque ascendendo in magis generalia contrahuntur, ut tandem natura tanquã in unum coire videatur. Neque mirum est PANIS cornua etiam Cælum ferire; cùm summitates nature siue Idææ uniuersales etiam ad diuina quodammodo pertingant. Paratus enim, & propinquus est transitus à Metaphysicâ ad Theologiam naturalem. Corpus autem Naturæ elegantissimè, & verissimè depingitur Hirsutum, propter rerum Radios; Radij enim sunt tanquam Naturæ crines, siue vili, atque omnia ferè vel magis vel minus radiosæ sunt; quoti

in facultate visus manifestissimum est, nec minùs in omni virtute & operatione ad distans: Quicquid enim operatur ad Distans, id etiam Radios emittere rectè dici potest, sed maximè omnium prominet Barba PANIS, quia Radij Corporum cœlestium maximè ex longinquo operantur & penetrant. Quin et Sol, quando parte superiora eius nube obvolutâ, Radij inferiùs erumpunt, ad aspectum Barbatus cernitur. Etiam Corpus Naturæ rectissimè describitur Biforme, ob differentiam Corporum Superiorum, Et Inferiorum. Illa enim ob pulchritudinem & motus equabilitatem et constantiam, necnon Imperium in terram, & terrestria, meritò sub Humanâ figurâ representantur: Hac autem ob perturbationem, & motus incompósitos, & quoddâ Cœlestibus regantur, Bruti animalis figurâ contenta esse possunt. Eadem Corporis descriptio pertinet ad participationem specierum. Nulla enim Natura simplex videri potest, sed tanquam ex duobus participans et concreta. Habet enim Homo non nihil

ex

ex Bruto, Brutum nonnihil ex Plantâ,
Planta nonnihil ex Corpore inanimato,
omniaque reuera Biformia sunt, et ex
Specie superiore, et inferiore compa-
cta. Acutissima autem est Allegoria
de Pedibus Caprae, propter motum as-
censionis Corporum terrestrium versus
Regiones Aeris et Caeli: Capra enim
Animal scansorium est, eaque è rupi-
bus pendere, atque in precipitijs haerere
amat; quod etiam res licet inferiori
Globo destinatae, miris modis faciunt,
ut in Nubibus, & Meteoris manife-
stissimam est. Insignia autem in mani-
bus PANIS duplicia. Alterum Har-
moniae, alterum Imperij. Fisiula enim
ex septem calamis, Concentum rerum,
& Harmoniam, siue concordiam cum
discordiâ mistam, quae ex septem stel-
larum Errantium motu conficitur, eni-
denter ostendit. Pedum autem illud
etiam nobilis translatio est; propter vias
Naturae partim Rectas, partim Obli-
quas. Praecipue autem Lignum, siue
Virga, versus superiorem partem, cur-
ua est; quia omnia providentiae divinae
opera in Mundo ferè per Ambages,
&

& Circuitus fiunt; ut aliud agi videri
 possit, aliud interim reuerà agatur; ut
 Iosephi venditio in Ægyptum, et si-
 milia. Quinetiam in Regimine Hu-
 mano omni prudentiore, qui ad guber-
 nacula sedent, populo conuenientia per
 pretextus et vias obliquas facilius que
 volunt, quàm ex directo superindu-
 cunt, et insinuant; adeo ut omnis Im-
 perij Virga siue Bacillum verè superius
 inflexum sit. Vestis PANIS et ami-
 culum ingeniosè admodum ex pelle
 PARDALIS fuisse fingitur; propter
 Maculas ubique sparsas; Cælum enim
 stellis, Maria Insulis, Tellus floribus
 consperguntur, atque etiam res parti-
 culares ferè variegata esse solent circa
 superficiem, que veluti rei Chlamis
 est. Officiùm autem PANIS nullà alià
 re tam ad viuum proponi, atque expli-
 cari potuerit, quam ut Deus venato-
 rum sit: Omnis enim naturalis actio,
 atque adeo motus & processus, nihil a-
 liud quàm venatio est. Nam & Sci-
 entia & Artes Opera sua venantur, &
 Concilia humana Fines suos, atque
 res naturales omnes vel alimenta sua
 tanquam

*tanquam pradam, vel Voluptates suas
tanquam solatium venantur, idque
modis peritis & sagacibus.*

*Torua Leana Lupū sequitur, Lupus ipse capellam,
Florentem Cythi suum sequitur lasciva Capella.*

*Etiam Ruricularum in genere P A N
Deus est, quia huiusmodi homines ma-
gis secundum naturam vivunt, cum in
urbibus & Aulis natura a cultu ni-
mio corrumpatur; ut illud Poëta ama-
torium verum sit.*

— Pars minima est ipsa puella sui.

*Montium autem imprimis Preses di-
citur P A N, quia in Montibus & locis
editis Natura rerum panditur, atque
oculis & contemplationi magis subij-
citur. Quod alter à Mercurio Deo-
rum nuncius sit P A N, ea Allegoria pla-
nè divina est, cum prox. mè post verbum
Dei, ipsa Mundi Imago, divina po-
tentia & sapientia præconium sit. Quod
& Poëta divinus cecinit. Cœli enar-
rant gloriam Dei, atque opera ma-
nuum eius indicat firmamentum.
P A N A autem oblectant Nymphe; A-
nimæ scilicet: Delicia enim Mundi,
Animæ viventium sunt: Ille autem
merito*

meritò earum Imperator, cùm illa naturam quæque suam veluti Ducem sequantur, & circa eam cum infinitâ varietate, veluti singula more patrio saltent, & choreas ducant, motu nequam cessante: unâ perpetuò comitantur Satyri & Sileni; Senectus scilicet et Iuventus; Omnium enim rerum est ætas quedam hilaris et saltatrix; atque rursus ætas tarda et bibula: utriusque autem ætatis studia verè contemplanti (tanquam Democrito) fortasse ridicula, et deformia videntur, instar Satyri alicuius aut Sileni. De Panicis autem terroribus prudentissima doctrina proponitur: Natura enim rerum omnibus viventibus indidit metum, ac formidinem vitæ atque essentiae suæ conservatricem, ac mala ingruentia vitantem, et depellentem: veruntamen eadem Natura modum tenere nescia est; sed timoribus salutaribus semper vanos, et inanes admiscet, adeo ut omnia (si intus conspici darentur) Panicis terroribus plenissima sint; præsertim humana, quæ superstitione (quæ verè nihil aliud, quàm

Panicus

Panicus terror est) in immensum laborant; maxime Temporibus duris, & trepidis & aduersis. Quod verò attinet ad audaciam PANIS, & Pugnam per prouocationem cum Cupidine; id eò spectat, quia Materia non caret inclinatione & appetitu ad dissolutionem Mundi & reciduationem in illud Chaos antiquum, nisi praeualidâ rerum concordia (per Amorem siue Cupidinem significatâ) malitia & impetus eius cohiberetur & in ordinem compelleretur: Itaque bono admodum hominum & rerum fato fit, ut illud certamen PAN aduersum experiatur, & victus abscedat. Eòdem prorsus pertinet, & illud de Typhone in retibus implicato; quia utcunque aliquando vasti, & insoliti rerum tumores sint (id quod Typhon sonat) siue intumescant maria, siue intumescant nubes, siue intumescat Terra, siue alia, tamen Rerum Natura huiusmodi corporum Exuperantias, atque insolentias, Reti inextricabili implicat, & coërcet, & veluti catenâ adamantinâ deuincit. Quod autem Inuentio Cereris huic Deo

Deo attribuitur, idque inter venationem; reliquis Dijs negatur, licet sedulo quærentibus, & illud ipsum agentibus; monitum habet verum admodum & prudens; hoc est, ne rerum utilium, ad vitam & cultum Inuentio, à Philosophijs Abstractis, tanquam Dijs Maioribus expectetur; licet totis viribus in illud ipsum incumbant, sed tantummodò à Pane, id est, Experienciâ sagaci & rerum Mundi notitiâ universali, quæ etiam casu quodam ac veluti inter venandum in huiusmodi inuenta incidere solet. Illud autem Musices certamen, eiusq; eventus, salutarem exhibet doctrinam, atque eam quæ rationi & iudicio humano gestienti, & se efferenti solrietatis vincula inycere possit. Duplex enim videtur esse Harmonia, & quasi Musica: altera Providentiæ Divinæ, altera Rationis Humanae. Iudicio enim humano, ac veluti auribus Mortalium, Administratio Mundi & Rerum, & indicia Divina secretiora sonant aliquid durum, & quasi absonum: quæ inscitia licet Asinis auribus merito insigniatur, tamen

&

Et illa ipsae aures secretò, nec palàm gestantur : Neque enim huiusce rei deformitas à vulgo conspicitur, aut notatur. Postremo, minimè mirum est si nulli Amores Pani attribuantur, præter coniugium Ecchus ; Mundus enim se ipse, atque in se rebus omnibus fruitur : qui amat autem, frui vult, neque in Copiâ, desiderio locus est. Itaque mundi Amores esse nulli possunt, nec potiendi Cupido, cum se ipse contentus sit, nisi fortasse sermones : ij sunt Nympha, Eccho, aut si accuratiores sint, Syringa. Inter Sermones autem, siue voces, excellenter ad coniugium mundi sumitur sola Eccho ; Ea enim demùm vera est Philosophia, quæ mundi ipsius voces fidelissimè reddit, & veluti astante mundo, conscripta est ; & nihil aliud est, quàm eiusdem simulacrum & reflexio, neque addit quicquam de proprio, sed tantùm iterat, & resonat. Ad mundi etiam Sufficientiam & Perfectionem pertinet, quòd prolem non edat. Ille enim per partes generat, per Totam autem quomodo generare possit ? cùm Corpus extra ipsum non sit.

Nam

Nam de Filiâ eius Putatinâ, mulierculâ illâ, est sanè ea adiectio quedam ad Fabulam sapientissima; per illam enim representantur ea, quæ perpetuis temporibus passim vagantur, atque omnia implent, vaniloque de rerum Naturâ Doctrinæ, re ipsâ infructuose, genere quasi subdititiæ, garrulitate verò interdum iucunda, interdum molesta & importune.

7.

PERSEVS, siue bellum.

PERSEVS traditur fuisse à Pallade missus ad obtruncandam Medusam, quæ populis plurimis ad Occidentem in extremis Hiberiæ partibus maximè calamitosa fuit. Monstrum enim hoc tam dirum atque horrendum fuit, ut aspectu solo homines in saxa verteret. Erat autem è Gorgonibus una ac sola Mortalis Medusa; cùm Pallas reliquæ non essent. Itaq; PERSEVS ad tam nobile facinus se comparans, arma, ac dona à tribus Dijs accepit: Talaria à Mercurio, à Plutone galeam,

team, Scutum à Pallade, & speculum. Neque tamen, licet tanto apparatu instructus, ad Medusam rectà perrexit : sed primùm ad Greas diuertit, Eæ sorores ex alterà parente Gorgonibus erant. Atque Grææ istæ Canæ iam à Nativitate erant, & tanquam vetulæ. Oculus autem ijs tantummodo & dens erat omnibus unicus, quòs prout exire foras quàmque contigerat, vicissim gestare, reuersæ autem iterum deponere solebant : Hunc itaque oculum, atque hunc dentem illæ PERSEO commodârunt. Tum demùm cùm se abundè ad destinata perficiendâ instructum indicaret, ad Medusam properavit impiger & volans : Illam autem dormientem offendit : Neque tamen Aspektui eius (si euigilaret) se committere audebat, sed Cervice reflexâ, in speculum Palladis inspiciens, atque hoc modo ietus dirigens, caput ei abscidit. Ex sanguine autem Medusæ fuso, statim Pegasus alatus emicuit. Caput autem abscissum PERSEVS in Scutum Palladis inseruit, cui etiamnùm sua mansit vis, ut ad eius intuitum omnes seu

seu attoniti aut syderati obrigerent. Fabula de Belligerandi ratione & prudentiâ conficta videtur. Atque in ipsâ de bello suscipiendo, & de genere belli eligendo deliberatione, tria proponit praecepta sana, & gravia, tanquam ex consilio Palladis. Primò ut de subiugatione Nationum Finitimarum quis non admodum laboret. Neque enim eadem est patrimonij, & imperij amplificandi ratio. Nam in possessionibus priuatis, vicinitas praediorum spectatur: sed in propagando imperio, Occasio & belli conficiendi facilitas, & fructus loco vicinitatis esse debet. Certè Romani, quo tempore Occidentem versus, vix ultra Liguriam penetrauerant, Orientis Prouincias usque ad Montem Taurum armis & imperio complexi sunt. Itaque PERSEVS licet Orientalis, tamen longinquam expeditionem, usque ad extrema Occidentis minimè detraxit. Secundo Curae esse debet, ut iusta & honorifica subsit belli causa: Id enim & alacritatem tum militibus, tum populis impensas conferentibus addit: & Societates aperit,

rit, & conciliat, & plurimas denique commoditates habet. Nulla autem belli causa magis pia sit, quàm debellatio Tyrannidis, sub quâ populus succumbit, & prosternitur sine animis & vigore, tanquam sub aspectu Medusæ. Tertiò prudenter additur; quod cum tres Gorgones fuerint (per quas Bella representantur) PERSEVS illam delegerit, quæ fuerit Mortalis; hoc est, bellum eius conditionis, quod confici, & ad exitum perducì posset, nec vastas, aut infinitas spes persecutus est. Instructio autem PERSEI hæc est, quæ ad Bellum unicè confert, & fortunam ferè trahit. Accepit enim Celeritatem à Mercurio, Occultationem Consiliorum ab Orco, & Providentiam à Pallade. Neque caret Allegoriâ eaque prudentissimâ, quod Alæ illæ Celeritatis Talares, non Axillares fuerint, atq; pedibus non humeris additæ; quia non tam in primis belli aggressibus, quàm in eis quæ sequuntur, & primis subsidio sunt; Celeritas requiritur: Nullus enim error in bellis magis frequens est, quàm quòd Prosecutiones, & subsidia-
riy

ry Impetus, Initiorum alacritati non respondent. Etiam illa Providentia Divisio (Nam de galeâ Plutonis, quæ homines invisibiles reddere solebat, Parabola manifesta est) ingeniosa videtur de Scuto, & speculo; neque enim ea Providentia solum adhibenda est, quæ cauet instar Scuti, sed illa altera per quam hostium vires, & motus, & consilia cernuntur, instar speculi Palladis. Verum PERSEO utcumque copiis aut animis instructo, restat aliud quiddam maximi per omnia momenti antequam incipiatur bellum, nimirum ut divertat ad Græas. Grææ autem Proditiones sunt, Bellorum scilicet Sorores, non germanæ illæ quidem, sed generis nobilitate quasi impares. Bella enim generosa, Proditiones degeneres & turpes. Earum descriptio elegans est, ut canæ a natiuitate sint, & tanquam Vetulae, propter perpetuas Proditorum Curas & Trepidationes: Earum autem vis (antequam in manifestam defectionem erumpant) aut in Oculo, aut in Dente est: Omnis enim Factio à statu quopiam alienata, & speculatur, & mordet: Atque

Atque huiusmodi Oculus & Dens
tanquam Communis est. Nam quæ
didicerunt, & nouerunt, ferè per ma-
nus factionis ab uno ad alterum transe-
unt, & percurrunt. Et quod ad Den-
tem attinet, uno ferè ore mordent, & si-
milem Cantilenam canunt, ut si unum
audias, omnes audias. Itaq; PERSEO
concilianda sunt istæ Græcæ, ut oculum,
& dentem ei commodent: Oculum ad
Indicia, dentem ad rumores ferendos,
& inuidiam conflandam, & animos
hominum sollicitandos. His itaque dis-
positis, & preparatis, sequitur ipsa Belli
actio. In eâ Medusam dormientem
inuênit: Prudens enim belli susceptor,
semper ferè hostem assequitur impar-
tum & securitati propiorem: Atque
nunc tandem speculo Palladis opus est;
Plurimi enim ante ipsa pericula res ho-
stium acutè & attentè intrōspicere pos-
sunt; sed in ipso periculi articulo præ-
cipuus est usus speculi, ut modus pericu-
li cernatur, terror non offundatur:
(quod per illum intuitum capite auerso
significatur) Abello perfectō sequun-
tur effecta duo: Primum Pegasi illa
gene-

generatio & exuscitatio, quæ satis euidenter Famam denotat, quæ per omnia volat & victoriam celebrat: Secundum, Gestatio capitis Medusæ in scuto; siquidem nullum præsidij genus huic ob præstantiam comparari possit. Vnicum enim facinus insigne, & memorabile fœliciter gestum, & perpetratum, omnes inimicorum motus cohibet, atque maleuolentiam ipsam stupidam reddit.

8.

E N D Y M I O N, siue
Gratiosus.

P Astor E N D Y M I O N traditur à Lunâ fuisse adamat: nouum autem, & singulare erat consuetudinis genus, siquidem ille decumbebat in natiuâ quadam specu, sub saxis Latmijs; Luna autem haud rarò de Cœlo perhibetur descendisse, & sopiti Oscula petisse, ac rursus in Cælum se recepisse. Neque tamen otium istud, & somnus in detrimentum fortunarum eius cedebat. Sed Luna interim effecit, ut pecus
eius

eius pinguesceret admodum, ac numero
 etiam, foeliciſſimè auctum eſſet, ut
 nulli paſtorum greges eſſent letiores,
 aut numeroſiores. Fabula ad ingenia
 & mores Principum pertinere vide-
 tur. Illi enim cogitationum pleni, & in
 ſuſpiciones propenſi, non facilè ad con-
 ſuetudinem vitæ interiorẽ recipiunt
 homines qui ſunt perſpicaces, & curioſi
 & quaſi animo vigilantes, ſine exſom-
 nes: ſed potiùs eos, qui ingenio ſunt
 quieto, & morigero, & quod placitum
 eſt illis patiuntur, & nil ultrà inqui-
 runt, ſed ſe veluti ignaros & nil ſenti-
 entes & quaſi ſopitos præbent; denique
 magis obſequium ſimplex, quàm obſer-
 vantiam callidam præſtant. Etenim
 cum huiusmodi hominibus Principes de
 Maieſtate ſuâ veluti Luna de Urbe
 ſuperiore, deſcendere, & perſonam
 quam perpetuò gerere inſtar Oneris
 cuiusdam ſit) deponere, & familiaritèr
 verſari libentèr conſueverunt, idque
 tuto facere poſſe putant. Id quod in
 Tiberio Cæſare Principe omnium
 maxime difficili, præcipue annotatum
 eſt: apud quem illi ſolam modo gra-
 C iioſi

tiosi erant, qui notitiam morum eius reuerà habebant, sed pertinaciter, & quasi stupidè dissimulabant. Quod etiam Lodouico undecimo Francorum Regi Principi cautissimo, & callidissimo in moribus erat. Neque in eleganter in Fabulà ponitur Antrum illud Endymionis: quia ferè vsitatum est illis qui huiusmodi gratià apud Principes florent, habere secessus aliquos amœnos, quò illos inuitent, ad otium & animi remissionem, absque Fortune sue mole. Qui autem in hoc genere gratiosi sunt, plerumq; rem suam bene agunt. Nam Principes licet fortasse ad honores eos non euehant, tamen cum vero affectu, nec propter utilitatem tantum illos diligant, munificentia suà eos ditare consueverunt.

9

SOROR GYGANTVM,
siue Fama.

Memorant Poeta, GYGANTES.
È terrà procreatos, bellum Ioui,
& superis intulisse, & fulmine disiectos



& denictos fuisse. Terram autem Deorum irâ irritatam in vindictam natorum suorum, Famam progenuisse; extremam Gygantibus sororem.

Illa Terra parentis ira irritata Deorum
Extremâ (vt perhibent) Cæo Eceladòq; sororē,
Progeniuit,-----

Huius Fabulæ ea sententia videtur esse: per Terram, Naturam vulgi significârunt, perpetuò tumidam & malignam versus imperantes, & res novas parturientem: Hæc ipsa occasionem adeptâ, Rebelles parit & Seditiosos, qui Principes ausu nefario exturbare, & deicere machinantur; quibus oppressis, eadem Plebis natura deterioribus fauens, & tranquillitatis impatiens, rumores gignit, & susurros malignos & Famas querulâs, & famosos libellos, & cetera id genus, ad inuidiam eorum qui rebus præsent; vt Actiones Rebellionum, & Famæ seditiosæ genere, & stirpe non differant; sed veluti sexu tantum, cum istæ muliebres videantur, illæ viriles.

ACTÆON ET PENTHEVS, siue Curiosus.

Curiositas humana in secretis rimandis, & eorum notitiâ appetitu malè sano concupiscendâ, & prendâ, duplici exemplo apud antiquos coercetur: Altero Actæonis, altero Penthei. Actæon cum Dianam imprudens, & casu sine veste vidisset, in Cernum versus, à canibus quos alebat, dilaceratus est. Pentheus cum sacrificiorum Bacchi occultorum, conscensâ arbore, spectator esse voluisset, furore percitus est. Fuit autem Penthei dementia eius generis, ut res congeminâsse existimaret, & duo Soles & rursus dua Theba ei ob oculos versarentur; adeò cum Thebas properaret, statim alteris Thebis conspectis retraheretur: A quo hoc modo perpetuo & irrequietè sursùm & deorsum ferretur.

Eumenidû demens, qualis videt, agmina Pentheus,
Et Solem geminû, & duplices se ostendere Thebas.

Fabularum prima, ad secreta Principum;

pum; secunda, ad secreta diuina pertinere videtur. Qui enim Principibus non admissi & præter eorum voluntatem secretorum conscij sunt, odium certissimum apud eos consequuntur. Itaque gnari se peti, & occasiones captari, vitam degunt Cernuorum more timidam & suspicionibus plenam. Quin & illud sæpius accidit, ut à seruis & domesticis, in gratiam Principum, accusentur & euertantur. Vbi enim Principis offensio manifesta est; quot serui, tot ferè Proditores esse consueuerunt; ut Aëtaonis futurum illos maneat. Alia est Penthei calamitas. Qui enim ausu temerario, mortalitatis parùm memores, per excelsa Natura & Philosophiæ fastigia (tanquam arbore conscensâ) ad Mysteria diuina aspirant, hys poena proposita est, perpetue Inconstantiæ & Iudicij vacillantis & perplexi. Cùm enim aliud sit Lumen Natura, aliud Diuinum; ita cum illis sit, ac si duos Soles viderent. Cùmque actiones vitæ, & decreta voluntatis ab intellectu pendeant: sequitur etiam ut non minùs voluntate, quàm opinione

hesitent, nec sibi omninò constant : Itaque & duas Thebas similiter vident. Per Thebas enim actionum fines describuntur (cum Thebis Pentheo esset domus & perfugium.) Hinc fit, ut nesciant, quò se vertant, sed de summâ rerum incerti & fluctuantes, tantùm subitis mentis impulsibus in singulís circumgantur.

II.

ORPHEVS, siue Philosophia.

Fabula de ORPHEO vulgata, nec tamen Interpretem fidum per omnia sortita, Philosophiæ uniuersæ imaginem referre videtur. Persona enim ORPHEI viri admirandi, & planè diuini, & omnis harmoniæ periti, & modis suauibus cuncta vincentis, & trahentis, ad Philosophiæ descriptionem facili transitu traducitur. Labores enim ORPHEI, Labores Herculis, ut opera Sapientiæ, opera Fortitudinis, dignitate & potentiâ superant. ORPHEVS ob amorem uxoris morte
imma.

immaturâ præcepta, fretus Lyrâ, ad
Inferos descendere sibi in animum in-
duxit, ut Manes deprecaretur; neque
spe suâ decidit. Nam placatis Mani-
bus & suauitate cantus, & modulatio-
nis delinitis tantum valuit, ut ei illam
secum abducere indultum sit: Eâ ta-
men lege, ut illa cum à tergo sequere-
rur, ipse autem antequam ad luminis oras
peruentum esset, ne respiceret. Quod
cum ille nihilominus, amoris & curæ
impatientiâ (postquam fere in tuto es-
set) fecisset, rupta sunt fœdera: atque
illa ad inferos gradu præcipiti relapsa
est. Ab illo tempore O R P H E V S
mœstus, & mulierum osor, in solitudi-
nes profectus est, ubi eâdem cantus, &
Lyræ dulcedine, primò feras omnigenas
ad se traxit, adeo ut naturam suam ex-
uentes, nec irarum aut ferocitatis me-
mores, nec libidinis stimulis, & furori-
bus præcipientes acti, nec ingluuiem satia-
re, aut præde inhiare amplius curantes,
in morem Theatri, illum circumsta-
rent, benigne & mansueta inter se fa-
cta, & tantum Lyræ consentui aures
præbentes. Neque is finis, sed tanta
C 4 musica

*musica vis, & potentia fuit, ut etiam
sylvas moueret, lapides ipsos, ut illa
quoque se transferrent, & sedes suas
circa eum, ordine & modo decenti po-
nerent. Hæc ei cum ad temus feliciter
& magna cum admiratione cessis-
sent; tandem Thraciæ mulieres stimu-
lis Bacchi percitæ, primò cornu rau-
cum, & immane sonans inflârunt: Ex
eo, propter strepitum, musice sonus am-
plius audiri non potuit: Tum demùm
solutâ virtute, quæ ordinis, & societatis
istius erat vinculum, turbari captum
est, & fere singula ad naturam suam
redierunt, & se inuicem ut prius per-
secutæ sunt; neque lapides, aut sylvæ suis
mansere locis: ORPHEVS autem ipse
tandem à mulieribus furentibus dis-
cerptus est, & sparsus per agros; ob cu-
ius mortis mœrorem, Helicon (fluvius
Musis sacer) aquas sub terram indign-
atus condidit, & per alia loca caput
rursus exiulit. Sententia fabulæ ea vi-
detur esse. Duplex est Orphei Cantio:
Altera ad placandos Manes: Alte-
ra ad trahendas feras & sylvas. Pri-
or ad naturalem Philosophiam, Poste-
rior*

rior ad *Moralem*, & *Civilem* aptissimè refertur. Opus enim naturalis Philosophiæ longè nobilissimum, est ipsa restitutio, & instauratio rerum corruptibilium, & (huiusce rei tanquam gradus minores) corporum in statu suo conservatio, & dissolutionis, & putredinis retardatio. Hoc si omnino fieri debet, certè non aliter effici potest, quam per debita, & exquisita Naturæ temperamenta, tanquam per Harmoniam lyre, & modos acuratos. Et tamen cùm sit res omnium maximè ardua, effectu plerunque frustratur; Idque (ut verisimile est) non magis aliam ob causam, quàm per curiosam & intempestivam sedulitatem & impatientiam. Itaque Philosophia, tantæ rei ferè impar; atque idcirco meritò mœsta, vertit se ad res humanas, & in animos hominum, suasu & eloquentiâ virtutis & æquitatis, & pacis amorem insinuans populorum cætus in unum coire facit; & in legum accipere, & imperijs se submittere & affectuum indomitorum oblivisci, dum præceptis, & discipline auscultant, & obtemperant:

unde postea sequi, ut adificia extruantur, & oppida condantur, & similiter agri & borti arboribus conserantur; ut lapides, & sylvas non abs re conuocari, & transferri dictum sit. Atque ista rerum Ciuilium cura, ritè atque ordine ponitur post experimentum corporis mortalis restituendi sedulò tentatum, & ad extremum frustratum: Quia mortis necessitas ineuitabilis euidentius proposita, hominibus ad aeternitatem, meritum, & nominis famam querendam, animos addit. Etiam prudenter in Fabulâ additur, ORPHEVM à mulieribus, & nuptiis alieno animo fuisse, quia nuptiarum delinimenta, & liberorum charitates, homines plerunque à magnis, & excelsis erga Respublicas meritis auertunt, dum immortalitatem propagine, non factis, assequi satis habent. Verùm & ipsa sapientia opera, licet inter humana excellant, tamen & suis periodis clauduntur. Enenit enim ut postquam regna, & respublica ad tempus floruerint, subinde perturbationes, & seditiones & bella oriantur; inter quorum strepitus, primò leges conticescunt,

cunt, & homines ad naturæ suæ depravationes redeunt; atque etiam in agris, atque oppidis vastitas conspicitur. Neque ita multò post (si huiusmodi furores continuentur) literæ etiam, & Philosophia certissimè discerpitur: adeo ut fragmenta tantùm eius, in paucis locis, tanquam Naufragij Tabula, inueniantur, & barbara tempora ingruant; Heliconis aquis sub terra mersis; donec debitâ rebus vicissitudine, non iisdem fortasse locis, sed apud alias Nationes erumpant, & emanent.

12.

COELVM, siue Origenes.

TRadunt Poëtae COELVM antiquissimū Deorum extitisse; Huius partes generationis à filio Saturno falce demessas fuisse. Saturnum autem sobolem numerosam generasse: sed filios continuò deuorasse, tandem verò Iouem exitium effugisse, & adultum patrē Saturnum in Tartarum detrussisse, & regnum accepisse; quin etiam
patris

patris genitalia eâdem falce, quâ ille
Cœlum executerat, abscidisse, atque in
mare proiecisse inâe Venerem natam
esse. Postea Iouis regnum vix confir-
matum, duo memorabilia bella exce-
pisse. Primum, Titanum in quibus de-
bellandis Solis operam (qui solus ex
Titanibus Iouis rebus faucebat) egre-
giam fuisse: secundum Gygantum,
qui & ipsi fulmine & Iouis armis dis-
iecti sunt; quibus domitis, Iouem se-
curum regnâsse. Fabula videtur Æ-
nigma de Origine rerum non multum
discrepans à Philosophiâ; quam postea
Democritus excepit, qui apertissimè
omnium eternitatem Materie asseruit,
eternitatem mundi negavit; in quo a-
liquantò propius ad veritatem verbi
diuini accessit, cuius narratio Ma-
teriam informem ante opera Dierum
statuit. Sententia Fabule huiusmodi
est. Cœlum esse concavum illud, sine
ambitum, quod Materiam complecti-
tur. Saturnum autem Materiam ip-
sam, quæ omnem generandi vim pa-
renti præscidit. Summam enim Mate-
rie perpetuò eandem esse; neque ipsum
Quantum

Quantum Naturæ crescere aut minui. Agitationes autem, & motus Materie primò imperfectas, & malè coherentes rerum compages produxisse, & veluti tentamenta mundorum: Dein cui processu Fabricam ortam esse, quæ formam suam tueri & conservare posset. Itaque priorem cui distributionem per regnum Saturni significari, qui ob frequentes rerum dissolutiones, & breves durationes, Filiorum suorum Denominator habitus est: Secundam autem per regnum Iouis, qui continuas istas, & transitorias mutationes in Tartarum detruxit, qui locus perturbationem significat. Is locus videtur esse spatium inter ima Cœli & interiora Terræ medium; quo intervallo perturbatio & fragilitas, & mortalitas siue corruptio maximè versatur. Atque durante priore illâ generatione rerum, quæ sub regno Saturni tenuit, Venerem natam non fuisse. Donec enim in universitate Materie, discordia esset concordia potior & valentior, mutatio per totum necessario facta est; atque in ipsâ Fabricâ,

bricâ, atque huiusmodi generationes rerum extitisse, antequam Saturnus exectus esset. Hunc verò generationis modum cessantem, alterum illum modum continuò excepisse, qui per Venerem fit: adultâ & prauauidâ rerum concordia; ut mutatio tantùm per partes procedat, integrâ, & inconcussâ Fabricâ vniuersali: Saturnum tamen detrusum, & deturbatum, non peremptum & extinctum narrant, quia mundum in antiquam confusionem, & interregna relabi posse, opinio erat: quod Lucretius ne suis temporibus eueniret deprecatus est.

Quod procul à nobis, flectat Fortuna gubernans
Et ratio potiùs, quàm res perluadeat ipsa.

Postquam autem mundus mole, & visuâ consisteret, tamen otium ab initio non fuisse. Nam secutos primùm in cœlestibus Regionibus motus notabiles, qui virtute Solis in cœlestibus prædominante, ita sopiti sunt, ut mundi status conservaretur: Postcâ similiter in inferioribus; per inundationes, tempestates, ventos, terræ motus magis vniuersales, quibus etiam oppressis, & dissipatis,

patis, magis pacata, ac durabilis rerum conspiratio, & tranquillitas accreuit. Verùm de istà Fabulà utrūque pronuntiari potest, & Fabulam Philosophiam continere, & Philosophiam rursus Fabulam. Nouimus enim (ex fide) hæc omnia nil aliud esse, quàm sensus iam pridem cessantia, & deficientia Oracula: Cùm Mundi, & Materia, & Fabrica ad Creatorem verissimè referatur.

13.

P R O T E V S, siue Materia.

Narrant Poëta P R O T E V M Neptuno pastorem fuisse; eundemque Senem, & Vatem; Vatem scilicet præstantissimum & veluti Termaximum. Nouerat enim non futura solummodò, sed & Præterita & Præsentia, adeò ut præter Diuinationem, etiam omnis Antiquitatis, & omnium Secretorum Nuncius ac Interpres esset. Morabatur autem sub ingenti specu. Ibi ei mos erat sub Meridiem gregem

gregem suum Phocarum numerare, atque deinde somno se dare. Qui autem operâ eius aliquâ in re, uti volebat, is non alio modo apud eum valere poterat, nisi eum manicis comprehensum vinclis constringeret. Ille contra, ut se liberaret, in omnes formas, atq; rerum miracula, ignem, fluvium, ferâs se vertere solebat; donec tandem in pristinam formam restitueretur. Sensus *Fæulæ* ad abdita Nature, & Conditiones *Materiæ* pertinere videtur. Sub *PROTEI* enim personâ *Materia* significatur omnium rerum post Deum antiquissima. *Materia* autem sub *Cæli* *Concauo* tanquam sub Specu habitat. *Neptuni* autem mancipium est, quia omnis *Materia* operatio & dispensatio in liquidis præcipuè exercetur. *Pecus* autem siue *Grex* *PROTEI*, non aliud videtur esse, quàm *Species* ordinaria *Animalium*, *Plantarum*, *Metallo- rum*, in quibus *Materia* videtur se diffundere, & quasi consumere; adeo ut postquam istas species effinxerit, & absoluerit (tanquam penso completo) dormire & quiescere videatur, nec a-
lias

lias amplius Species moliri, tentare, aut parare. Atque hac est P R O T E I Pecoris numeratio, & (subinde Somnus. Hoc autem sub Meridiem, non auroram, & vesperum fieri dicitur, id est, cum Tempus iam venerit, quod speciebus ex Materia debiliè preparatâ, & predispositâ perficiendis, & excludendis maturum sit, & quasi legitimum, & inter Rudimenta earum, & Declinationes medium; quod nos satis scimus ex Historiâ sacrâ sub tempus ipsum Creationis fuisse. Tum enim per virtutem illam divini verbi (Producat) Materia ad imperium Creatoris, non per Ambages suas sed subito confluit, & Opus suum in Actum affatim perduxit, ac Species constituit. Atq; hucusque Fabula narratione in suam de P R O T E O libero, & soluto cum Pecore suo complet. Nam universitas rerum cum Structuris, & Fabricis Specierum ordinarijs, est Materie non constrictæ, aut deninctæ, & gregis materiatorum facies. Nihilominus si quis peritus Naturæ Minister, vim adhibeat Materie, & Materiam ve-

xet, atque urgeat, tanquam hoc ipso destinato, & proposito, ut illam in nihilum redigat: illa contra (cum Annihilatio, aut interitus verus, nisi per Dei omnipotentiam fieri non possit) in tali necessitate posita in miras rerum transformationes & effigies se voluit, et vertit: ad cò ut tandem veluti in orbem se mutet, & periodum impleat, & quasi se restituat, si vis continetur. Eius autem constrictionis, seu alligationis ratio magis facilis erit, & expedita, si Materia per Manicas comprehendatur, id est, per Extremitates. Quod autem additur in Fabulâ Proteum Vatem fuisse, & trium temporum gnarum, id cum Materie naturâ optimè consentit. Necesse est enim, ut qui Materia passiones, & processus novet, rerum Summam & earum quæ factæ sunt, & quæ fiunt, & quæ insuper future sunt, comprehendat, licet ad partes & singularia cognitio non extendatur.

MEM-

14.

M E M N O N, siue Præmaturus.

MEmorant Poëta M E M N O -
N E M Auroræ filium fuisse. Il-
le armorum pulchritudine insignis, &
aurâ populari celebris ad Bellum Tro-
ianum venit, & ad summa ausu præ-
cipiti festinans, & anhelans, cum A-
chille Græcorum fortissimo, certamen
singulare inijt, atque eius dextrâ oc-
cucit. Hunc Iupiter miseratus anes
lugubre quiddam & miserabile per-
petuo quiritantes ad Exequias eius &
funeris decus excitavit; Eiusdem Sta-
tua quoque Solis orientis radijs percus-
sa, sonum flebilem edere solita fuisse
perhibetur. Fabula ad Adolescen-
tium summa spei Calamitosos exitus
pertinere videtur. Illi enim tanquam
Auroræ filij sunt; atque inanum & ex-
ternorum specie tumidi, maiora ferè
viribus audent, atque Heroes fortis-
simos laceffunt, & in Certamen depos-
cunt, & impari congressu, succum-
bentes, extinguuntur; Horum autem
mortem infinita commiseratio sequi
solet:

solet; Nil enim inter Fata mortalium tam flebile est, tanque potens ad misericordiam commouendam, quam virtutis flos immaturo exitu præcisus. Neque enim prima ætas ad Satiætatem scilicet, aut ad inuidiam usq; durauit, quæ mœstutiam in obitu lenire, aut misericordiam temperare possit; Quinetiam Lamentationes & planctus non solum tanquam Aues illæ funebres circa rogos eorum volitant, sed & durat huiusmodi miseratio, & produciuntur: Maxime autem per Occasiones & Nouos motus & Initia magnarum rerum, veluti per Solis radios Matutinos, Desyderia eorum renouantur.

15.

TYTHONVS, siue Satiàs.

ELegans Fabula narratur de TYTHONO, cum ab Aurora adamatum fuisse, quæ perpetuam eius consuetudinem exoptans, à Ioue petijt, ut TYTHONVS nunquam mori posset: verum incuriâ muliebri oblita est petitioni suæ & illud inferere, ut nec senectute

Etate grauarietur. Itaque moriendi conditio ei crepta est, senium autem secutum est mirum & miserandum, quale consentaneum est euenire ei, cui mors negatur, etas perpetuò ingrauescit. Adeo ut Iupiter huiusmodi sortem miseratus, tandem eum in Cicadam conuerterit. Hec Fabula ingeniosa adumbratio & descriptio voluptatis esse videtur; quæ à principio velut sub tempus Auroræ, adeò grata est, ut homines vota faciant, ut gaudia huiusmodi sibi perpetua, & propria sint, obliui Satietaem & tedium eorum instar Senij, ipsis non cogitantibus obuenitura. Adeo ut ad extremum, cum actiones voluptariæ homines deserant, cupido verò & affectus non moriatur, fieri soleat, ut homines sermonibus tantum, & commemorationibus earum rerum, quæ eis integrâ atate voluptati fuerant, se oblectent. Quod in Libidinosus & viris Militaribus fieri videmus, cum illi impudicos sermones, hi facinora sua retractent, Cicadarum more, quarum vigor tantum in voce est.

16.

PROCVS IVNONIS,
sive Dedecus.

Narrant Poetae IOVEM, ut amoribus suis potiretur, multas & varias formas sumpsisse, Tauri, Aquilae, Cygni, Imbris aurei; cum autem IVNONEM sollicitaret, vertisse se in formam maximè ignobilem, atque contemptui & ludibrio expositam. Ea fuit miseri Cuculi, imbre & tempestate madefacti, & attoniti, tremebundi & semimortui. Prudens Fabula est, & ex intimis moribus desumpta. Sensus verò talis, Ne homines nimium sibi placeant, existimantes virtutis suae specimen, eos apud omnes in pretio, & gratiâ ponere posse. Id enim succedere pronaturâ, & moribus eorum, quos ambiunt, & colunt, qui si homines sunt nullis ipsi dotibus, & ornamentis insigniti; sed tantum ingenio sunt superbo & maligno (id quod sub figurâ IVNONIS representatur) tum verò nō rint sibi exuendam prorsus esse omnem personam, quæ vel minimum præ se ferat

rat decoris, & dignitatis : atque desipere se planè , si aliâ viâ insistant ; neque satis esse si obsequij deformitatem præstant, nisi omnino se in personam abiectam & degenerem mutant.

17


CVPIDO, siue Atomus.

QUæ de CVPIDINE siue Amore dicta sunt à Poetis ; in eandem personam propriè conuenire non possunt : Ita tamen discrepant , ut confusio personarum reijciatur , similitudo recipiatur. Narrant itaque Amorem omnium Deorum fuisse antiquissimum, atque adco omnium Rerum ; excepto Chao ; quod ei coæuum perhibetur ; Chaos autem à priscis viris nunquam diuino honore , aut nomine Dei insignitur. Atque Amor ille prorsus sine Parente introducitur ; nisi quod à nonnullis Ouum Noctis fuisse traditur. Ipse autem ex Chao, & Deos, & Res vniuersas progenuit : Eius autem Attributa ponuntur Numero quatuor, ut sit Infans perpetuus, Cæcus, Nudus, Sagit-

Sagittarius; fuit & Amor quidam alter; Deorum natu Minimus; Veneris filius; in quem etiam Antiquioris Atributa transferuntur; & quodam modo competunt. Fabula ad Cunnabula Naturæ pertinet, & penetrat. Amor iste videtur esse Appetitus, siue stimulus Materie primæ, siue (ut explicatiùs loquamur) Motus naturalis Atomii. Hac enim est illa vis antiquissima, & unica, quæ ex Materiâ omnia constituit & effingit. Ea omnino sine Parente est; id est, sine causâ. Causa enim Effectus veluti Parens est: Huius autem virtutis causa nulla potest esse in Naturâ, (Deum enim semper excipimus) Nihil enim hæc ipsa prius; itaque Efficiens nulla: neque aliquid Nature Notius; ergo nec Genus, nec Forma; Quamobrem quæcumque ea tandem sit, positiua est & surda. Atque etiam si Modus eius, & Processus sciri daretur; tamen per causam sciri non potest; cum sit post Deum causa causarum, ipsa inconiungibilis. Neque fortasse Modum eius intra inquisitionem humanam sisti, aut comprehendere posse

posse sperandum est; Itaque merito
fingitur Ovum à Nocte exclusum;
Certè Sanctus Philosophus ita pronun-
ciat. Cuncta fecit pulchra tempe-
statibus suis, & Mundum tradidit
disputationibus eorum, ita tamen
vt non inueniat Homo, Opus quod
operatus est Deus à principio, vs-
que ad finem. Lex enim summaria
Naturæ, siue virtus istius Cupidinis,
indita primis rerum particulis à Deo
ad Coitionem, ex cuius repetitione, &
multiplicatione Omnis rerum varietas
emergit & conflatur; cogitationem
mortalium perstringere potest, subire
vix potest. Philosophia autem Græ-
corum inuenitur in rerum (Mate-
riatis Principijs inuestigandis magis
acuta, & sollicita; in Principijs au-
tem Motus, (in quibus omnis opera-
tionis vigor consistit) negligens & lan-
guida. In hoc autem, de quo agimus
prorsus cecutire & balbutire vide-
tur: Etenim Peripateticorum opi-
nio; de Stimulo Materiæ, per Pri-
uationem; ferè non ultrà verba ten-
dit, & rem potius sonat, quam signat;

D Qui



Qui autem hoc ad Deum referunt ; optimè illi quidem , sed saltu non gradu ascendunt : Est enim procul dubio v-nica , & summaria Lex in quam natura coit , Deo substituta . Ea ipsa , qua in superiore textu , illo verborum complexu demonstratur , Opus , quod operatus est Deus à Principio , vsque ad Finem . Democritus autem , qui altiùs rem perpendit , postquam Atomum dimensione nonnullâ , & figurâ instruxerat , unicum Cupidinem siue Motum primum ei attribuit simpliciter , & ex comparatione alterum . Omnia enim ad Centrum Mundi ferri putavit proprie , quod autem plus materiae habet , cum celerius ad Centrum feratur , illud quod minus habet percussione summonere , & in contrarium pellere . Verùm ista meditatio angusta fuit ; & ad pauciora , quàm par erat respiciens . Neque enim , aut corporum cœlestium in orbem Conuersio , aut rerum Contractiones , & Expansiones ad hoc Principium reduci , aut accommodari posse videntur . Epicuri autem opinio de Declinatione
Atomis,

Atomi, & Agitatione fortuitâ, ad nugas rursus, & ignorationem rei lapsa est. Itaque nimio plus, quam optaremus illud appâret; istum Cupidinem Nocte inuolui. Itaque de Attributis videamus; Elegantissimè describitur Cupido Infans, Pusillus, & Perpetuus; composita enim grandiora sunt, & etatem patiuntur; prima autem rerum semina, siue Atomi, Minuti sunt, & in perpetuâ Infantiâ permanent: Etiam illud verissimè, quod Nudus: cum composita vniuersa rectè cogitanti Personata, & induta sint; Nihilquè propriè Nudum sit præter primas rerum particulas. Illa autem de Cecitate Cupidinis sapientissima Allegoria est. Iste enim Cupido (qualiscunque is sit) minimum videtur habere prouidentia; sed secundum illud, quod proximum sentit, gressum & motum suum dirigere; ut Cæci palpan-do solent; quo magis admirabilis est Prouidentia illa summa diuina, quia ex rebus prouidentia maxime vacuis, & expertibus, & quasi Cæcis, certâ tamen & fatali lege istum ordinem &

D 2

pulchri-

pulchritudinem rerum educit. Vltimum Attributum ponitur, quod Sagittarius sit, hoc est, quod ista virtus talis sit, ut operetur ad distans. Quod enim ad Distans operatur, tanquam Sagittam emittere videtur: Quisquis autem Atomum ponit, atque Vacuum, necessario virtutem Atomi ad Distans introducit: Neque enim hac demta, aliquis motus (propter vacuum interpositum) excitari posset, sed omnia torperent, & Immobilia manerent; Quod autem ad Iuniorum illum Cupidinem attinet, merito ut minimus Deorum natus traditur, Cum non ante Species constitutas vigere potuisset. In illius autem descriptione Allegoria ad mores deflectit, & traducitur. Subest tamen quaedam eius cum illo Antiquo conformitas. VENUS enim generaliter affectum coniunctionis & procreationis excitat; CUPIDO eius Filius, Affectum ad Individuum applicat. Itaque à Venere est generalis dispositio, à Cupidine magis exacta Sympathia: Atque illa à causis magis propinquis pendet; hac autem à principiis magis altis

altis & fatalibus, & tanquam ab antiquo illo Cupidine, à quo omnis exquisita Sympathia pendet.

18.

DIOMEDES,
siue Zelus.

DIOMEDES cum magnâ & eximiâ gloriâ floreret, & Palladi percharus esset, exstimulatus ab eâ est (& ipse promptior quàm oportebat) ut si fortè Veneri in pugnâ occurreret, illi nentiquàm parceret; quod & ille audacter executus est, & Veneris dextram vulneravit. Hoc facinus ille ad tempus impunè tulit, & rebus gestis clarus & inclytus in patriam redijt; ubi domestica mala expertus, ad exteros in Italiam profugit. Ibi quoque initia satis prospera habuit, & Regis Dauni hospitio, & donis cultus, & ornatus est, & multiæ illi statuae per eam Regionem extructæ. Sed sub primam Calamitatē, quæ populum ad quem diuerterat afflixit, statim subiit Daunum cogitatio, se intra penates suos duxisse

hominem impium, & Dys inuisum, & Theomachum, qui Deam, quam vel tangere religio erat, ferro inuaserat, & violauerat. Itaque ut patriam suam piaculo obstrictam liberaret, nihil hospitij iura reueritus, cum ei ius religionis videretur antiquius DIOMEDEM subito obtruncat; statuas & honores eius prosterni & aboleri iubet. Neque huiusmodi grauem casum vel miserari tutum erat; sed & ipsi Comites eius, cum mortem Ducis sui lugerent, & questibus omnia implerent, in Aues quasdam ex genere Olorum mutati sunt, qui & ipsi sub mortem suam quiddam dulce & lugubre sonant. Habet hæc Fabula subiectum rarum, & ferè singulare. Neque enim memoria proditum est, in aliquâ aliâ Fabulâ Heroem ullum præter unum DIOMEDEM ferro violasse aliquem ex Dys. Atque certè videtur fabula imaginem in illo depinxisse Hominis, & Fortune eius, qui ex professo hunc finem actionum suarum sibi proponit, & destinat, ut cultum aliquem diuinum, siue Sectam Religionis licet vanam & leuem, vi & ferro

ferro insectetur & debellet. Quamquam enim cruenta religionis dissidia veteribus incognita essent; (cum *Dij Ethnici Zelotypiâ*, quod est dei veri *Attributum*, non tangerentur) tamen tanta & tam lata videtur fuisse prisci seculi sapientia, ut quæ experiundo non nossent, tamen meditatione, & simulachris comprehenderent. Qui itaq; *Sectam aliquam Religionis* licet vanam, & corruptam, & infamem (id quod sub persona *Veneris* significatur) non vi rationis, & doctrinae, & sanctitate vitæ, atque exemplorum & auctoritatum pondere, corrigere & conuincere; sed ferro & flammâ, & pœnarum acerbitate excindere, & exterminare nitantur; incenduntur fortasse ad hoc ipsum à *Pallade*; id est, *Prudentiâ* quâdam acri, & iudicii seueritate, quarum vigore & efficaciâ, huiusmodi errorum fallacias, & commenta penitus introspiciunt; & ab odio prauitatis, & zelo bono; & ad tempus ferè magnam gloriam adipiscuntur, atque à vulgo (cui nihil moderatum, gratum esse potest) ut unici veritatis, & reli-

gionis vindices, (cùm ceteri tepidi videantur, & meticulosi) celebrantur, & fere adorantur. At tamen hæc gloria, & fœlicitas rarò ad exitum durat: sed omnis ferè violentia, nisi morte celeri vicissitudines rerum effugiat, sub finem improspera est. Quod si eueniat, ut rerum commutatio fiat, & Secta illa proscripta, & depressa vires acquirat, & insurgat, Tum verò huiusmodi hominum zeli, & contentiones damnantur, & nomen ipsum odio est, & omnes honores eorum in opprobrium desinunt: Quod autem ab hospite interfectus est DIOMEDES; id eò spectat, quod religionis dissidium, etiam inter coniunctissimos, insidias & proditones excitet; Illud verò de Luctu ipso, & querimonijs minimè toleratis, sed supplicio affectis, huiusmodi est; ut moneat, in omni ferè scelere, miserationi hominum locum esse, ut etiam qui crimina oderunt, personas tamen & calamitates reorum, humanitatis causâ commiserentur; extremum autem malorum esse, si misericordia commercia interdicantur. Atque tamen in causâ religionis,

onis, & impietatis, etiam miserationes hominum notari, & suspectas esse. Contrà verò, Comitum DIOMEDIS, id est, hominum, qui eiusdem sunt Se-
ctæ, & opinionis, querimonie, & de-
plorationes argute admodum & canore
esse solent, instar Olorum, aut Anium
DIOMEDIS; In quo etiam illa
pars Allegoriæ nobilis est, & insignis;
Eorum, qui propter causam Religionis
supplicia subeunt voces sub tempus
mortis, tanquam Cygneas cantiones a-
nimos hominum mirum in modum fle-
tere, & in memorijs & sensibus eorum
diutissimè inharere, & permanere.

19.

DÆDALVS, siue Me-
chanicus.

Sapientiam atq; industriam Me-
chanicam, atque in illâ Artificia
illicita, & ad prauos vsus detorta, An-
tiqui adumbraverunt sub personâ Dæ-
DALI, viri ingeniosissimi. sed execra-
bilis: Hic ob condiscipulum, & emu-
lum occisum exulauerat, gratus tamen

D 5

in

in exilio Regibus, & ciuitatibus erat. Atque multa quidem egregia opera tam in honorem Deorum, quam ad exornationem, & magnificentiam urbiū, & Locorum publicorum extruxerat, & effinxerat; sed tamen Nomen eius maxime celebratur ob illicita. Fabricam enim Libidini Pasiphaes subministravit, ut cum Tauro misceretur; adeo ut ab huius viri sceleratâ industriâ, & ingeniopernicioso Monstrum illud Minotaurus pubem ingenuam deuorans ortum traxerit infœlicem ac infamem. Atque ille malum malo tegens & cumulans, ad securitatem huius Pestis, Labyrinthum excogitauit, et extruxit: Opus sine & destinatione nefarium, artificio insigne & præclarum; Ac postea rursus, ne malis artibus tantum innotesceret, atque ut scelerum remedia (non solum instrumenta) ab eodem peterentur; etiam Consilij ingeniosi author erat de filo, per quod errores Labarynthi retexerentur. Hunc Dædalum Minos magnâ cum seueritate atque diligentia, & inquisitione persecutus est; Ille tamen semper & perfugia

& effugia reperiēbat. Postremò cū
volandi peritiā filium Icarum edocui-
set, ille Novitius, & artem ostentans, à
cælo in aquā decidit. Parabola videtur
esse eiusmodi. In ipso introitu eius, ea qua
apud excellentes Artifices excubant, &
miris modis dominatur, Invidia nota-
tur: Nullum enim genus hominum ex
Invidiā eāque acerbā, & tanquam
interneciā magis laborat. Accedit
Nota de genere pœne inflicto minùs po-
liticè & providè: ut DÆDALVS
exulet. Etenim Opifices præclari id ha-
bent, ut apud omnes ferè populos sint
acceptissimi; adeo ut Exilium præstanti
Artifici vix supplicij loco sit. Nam a-
liæ vitæ conditiones, & genera, extra
patriam non faciliè florere possunt. Ar-
tificum autem admiratio, propagatur,
et augetur apud exteros, et peregrinos,
cū insitum animis hominum sit illud,
ut populares suos, quoad opificia Me-
chanica in minori pretio. habeant.
De usu autem Artium Mechanica-
rum, quæ sequuntur manifesta sunt;
multū enim illis debet vita humana,
cū plurima & ad Religionis appara-
tum,

tum, & ad Civilium decus, & ad uniuersæ vitæ culturam, ex illarum thesauris collata sint. Veruntamen ex eodem fonte emanant instrumenta Libidinis, atque etiam instrumenta mortis. Misit enim Arte Leonum, venena quæstissima, atque tormenta bellica, atque huiusmodi pestes, (quæ Mechanicis inuentis debentur) probè nouimus, quantum Minotaurum ipsum sanitiâ, & pernitiæ superârunt. Pulcherrima autem Allegoria est de Labaryntho, quâ Natura generalis Mechanicæ adumbratur. Omnia enim Mechanica, quæ magis sunt ingeniosa, & acurata, instar Labarynthi censerî possunt; propter subtilitatem & variam implicationem, & obuiam similitudinem, quæ vix ullo iudicio, sed tantum experientie filo Regi & discriminari possunt. Nec minus aptè adijcitur, quod idem ille, qui Labarynthi Errores inuenit, etiam filii commoditatem monstrauit; Sunt enim Artes Mechanicæ, veluti usus ambigui, atque faciant & ad nocumentum, & ad remedium, & ferè virtus earum se ipsam soluit et retexit.

Artificia

*Artificia autem illicita, atque adeò
Artes ipsas sapiens persequitur Minos;
hoc est, Leges; quæ illas damnant, & ea-
rum usum populis interdicunt. Nihilominus
illæ occultantur, & retinentur,
& ubique, & latebras & receptum
habent, quod & bene notatum est in re
non multum dissimili à Tacito suis
temporibus de Mathematicis, & Ge-
nethliacis, Genus (inquit) homi-
num, quod in Ciuitate nostrâ sem-
per, & retinebitur, & vetabitur. Et
tamen Artes illicitæ, & Curiosæ cuius-
cunque generis, tractu temporis, cum
ferè quæ polliceantur non præstent (tan-
quam Icari de Cælo) de existimatione
suâ decidunt, & in contemptum ve-
niunt, & nimiam ipsâ ostentatione pere-
unt. Et certè si verum omnino dicen-
dum est, non tam foeliciter Legum fra-
nis coërcentur, quam coarguuntur ex
vanitate propriâ.*

ERIC-

20.

ERICTHONIVS,
siue impostura.

F Abulantur Poëta VULCANVM
pudicitiam, Mineruæ sollicitasse,
atque subinde cupidine incensum, vim
abibuisse, atque in ipsâ Luctâ, semen
in Terram effudisse, ex quo ERIC-
THONIVM natum esse, qui (partes
superiores) decorâ & gratâ erat cor-
poris compage, Femora autem & Ti-
bia suberant in anguilla similitudinem,
exilia & deformia: Cuius deformita-
tis, cum ipse sibi conscius esset, eum pri-
mum curruum usum inuenisse, ut quod
in corpore magnificum erat, ostentaret,
probrum autem tegeret. Huius Fabu-
la miræ, & prodigiosa ea sententia esse
videtur. Artem (quæ sub personâ
Vulcani ob multiplicem ignis usum
representatur) quoties per corporum
omnimodas vexationes, Natura vim
facere, eamque vincere ac subigere
contendat, (Natura autem sub perso-
nâ Mineruæ, ob operum solertiam ad-
umbratur) ad votum & finem desti-
natum.

natum rarò pertingere; sed tamen multâ macbinatione et molitione (tanquam Lultâ) intercidere atque emitti generationes imperfectas, & opera quedam manca, aspectu speciosa, usu infirma, & claudicantia; quæ tamen impostores multo & fallaci apparatu ostentant, & veluti triumphantes circumducunt. Qualia sèrè, & inter Productiones Chymicas, & inter subtilitates & nouitates Mechanicas sæpiùs notare licet; præsertim cum homines potiùs propositum urgentes, quam ab erroribus suis se recipientes, cum Naturâ colluctentur magis, quàm debito obsequio & cultu eius amplexus petant.

21.

DEV CALION, siue Restitutio.

N Arrant Poëta extinctis prorsùs prisci orbis incolis per dilunium vniversale, Cum soli restarent DEV CALION & PYRRHA, qui ardebant desiderio pio, & inclyto instaurandi generis humani, eos huiusmodi Oraculum

culum excepisse: voti compotes futuros si ossa Matris acciperent, & post se iacerent: quod illis primò magnam tristitiam, & desperationem incussit: Cum aequatâ rerum facie per diluvium, Sepulchri perscrutatio omninò res sine exitu esset; sed tandem intellexerunt Lapidem Terræ (cùm Tellus omnium mater habeatur) ab Oraculo significari. Fabula Arcanum Naturæ recludere videtur, & Errorem animo humano familiarem corrigere; Hominis enim imperitia indicat rerum renovationes, siue instaurationes ex earundem putredine & reliquijs. (ut Phœnicem ex cinere propriâ) suscitari posse, quod nullo modo convenit, Cùm huiusmodi materia spacia sua confecerint & ad initia ipsarum rerum prorsus ineptæ sint. Itaque retrocedendum ad principia magis communia.

22.

NEMESIS, siue Vices
Rerum.

NEMESIS traditur fuisse Dea,
omnibus veneranda, potentibus
&

& fortunatis etiam metuenda: Ea No-
ëtis & Oceani filia fuisse perhibetur.
Effigies autem eius describitur talis.
Alata erat, etiam Coronata; in ma-
nibus autem gestabat dextrâ Hastam
è fraxino, sinistrâ Phialam, in quâ in-
clusi erant Æthiopes; Insidebat au-
tem Cervo. Parabola eiusmodi esse
videtur; Nomen ipsum N E M E S I S
Vindictam, siue Retributionem satis
apertè significat; Huius enim Deæ Of-
ficium, & Administratio in hoc sita e-
rat, ut beatorum constanti, & perpe-
tuae fœlicitati inſtar Tribuni plebis in-
tercederet, ac illud suum Veto inter-
poneret; neque solum insolentiam ca-
ſtigaret, verum etiam rebus prosperis
licet innocentibus & moderatis, rerum
aduerſarum vices rependeret; ac si
neminem humanæ sortis ad Conuiuia
Deorum admitti mos eſſet, niſi ad Lu-
dibrium: Equidem cùm illud Capitu-
lum apud Ca. Plinium perlego, in
quo ille infortunia, & miserias Augusti
Cæſaris collegit, quem omnium homi-
num fortunatiſſimum exiſtimabam,
quique artem etiam quandam utendi
fruendi

fruendi fortunâ habebat, ac cuius in animo nil tumidum, nil leue, nil molle, nil confusum, nil Melancholicum annotare licet (ut ille etiam sponte mori aliquando destinâisset) hanc Deam magnam & præpotentem esse iudicauit, ad cuius aram talis victima tracta esset. Parentes huius Deæ fuisse Oceanus & Nox; Hoc est, rerum vicissitudo, & Iudicium diuinum Obscurum, & Secretum; Etenim vices rerum per Oceanum aptè representantur ob perpetuum fluxum, & refluxum; occulta autem prouidentia per Noctem ritè proponitur. Nam etiam apud Ethnicos nocturna illa Nemesis, cum scilicet iudicium humanum à diuino discors esset, in observatione erat.

-----Cadit & Rhipheus iustissimus vnus,
Qui fuit ex Teucris & seruantissimus æqui.
Dijs aliter visum. -----

Alata autem describitur Nemesis, ob subitas rerum conuersiones, nec antè præuisas; Nam in omni rerum memoriâ illud ferè vsuuenit, ut homines magni, & prudentes per eâ discrimina perierint, quæ maximè contempserint,
Certè

Certè cum M. Cicero à Dec. Bruto de Octauij Cæsaris minùs sincerâ fide, & animo exulcerato monitus esset; Illud tantùm rescripsit, Te autem mi Brute sicut debeo amo, quod istud quicquid est nugarum mescire voluisti. Etiam Coronâ Nemesis insignitur, ob naturam vulgi inuidam & malignam: Quando enim fortunati & potentes ruunt, tum fere vulgus exultat, & Nemesis coronat. Hasta autem in Dextrâ ad eos pertinet, quos Nemesis actu percutit, & transfigit. Quos autem Calamitate & infortunio non mactat, illi tamen Spectrum illud atrum & infauustum in sinistrâ ostentat: obuersantur enim procul dubio mortalibus etiam in summo fastigio fœlicitatis positis, Mors & Morbi, & infortunia, & amicorum perfidia, & inimicorum insidiæ, & rerum mutationes, & huiusmodi; veluti Æthiopes illi in phialâ; Certè Virgilius, Cum praelium Aëtiacum describit, de Cleopatrà illud eleganter subiungit.

Regina in medijs, patrio vocat ægmina fistro,
Nec dum etiam geminos à tergo respicit angues.

Verùm

Verum non multò post quocunque se illa verteret tota agmina Æthiopum obuersabantur. Ad extremum prudenter additur, Nemefin Cernuo insidere, quia vinox admodum Animal est Cernuus; Atque fieri fortasse potest, ut qui Iuuenis fato ereptus sit, Nemefin prauertat & effugiat; Cui autem diuturna obuenit foelicitas, & potentia, is proculdubio Nemefi subycitur, ac veluti substernitur.

23.

ACHELOVS, siue Prælium.

Narrant antiqui, Cum HERCVLES & ACHELOVS de nuptiis Deianiræ contenderent, rem ad certamen deductam esse. Achelous autem, cum varias & multiplices formas tentasset (nam hoc ei facere licebat) tandem Herculi sub formâ Tauri torui, & frementis occurrit, & ad pugnam se parauit; Hercules verò, solitam retinens figuram humanam, in eum impetum fecit; Res cominus gesta est; Euentus autem talis fuit, ut Hercules

cules alterum ex Cornibus Tauro fregerit: Ille maiorem in modum dolens & perterritus, ut Cornu illud suum redimeret, permutatione factâ Cornu Amaltheæ, siue Copiæ, Herculi largitus est. Fabula ad belli expeditiones pertinet; Apparatus enim belli ex parte defensionâ (qui per Acheloum proponitur) varius admodum & multiformis est. Nam inuadentis species unica est, & simplex, cum ex exercitu solo, aut classe fortasse constet, Regio autem quæ in solo proprio hostem expectat, infinita molitur, oppida munit, diruit, Plebem ex agris & villis, in urbes & castella cogit, pontes extruit, prosternit, copias & commeatus comparat, distribuit, in fluuijs, portibus, Collium faucibus, syluis & alijs rebus innumeris occupata est, ut nouas rerum facies quotidie induat, & experiatur, ac tandem cum abundè munita & instructa sit, Tauri pugnacis formam & minas ad viuum representet. Ille autem qui inuadit, prælium captat, & in hoc maxime incumbit, inopiam in Terrâ hostili metuens: Quod si fiat, ut prælio com-

commisso acie victor sit, & tanquam cornu hosti frangat; tum proculdubio illud assequitur, ut hostis trepidus & existimatione diminutus, ut se explicet, & vires suas reparet, in munitiora se recipiat; atque urbes & regiones victori ad populandum, & diripiendum relinquat; quod verè instar Cornu illius Amaltheæ censeripossit.

24.

DIONYSVS, siue
Cupiditas.

Narrant Semelen Iouis pellicem postquam Iuramento eum inuiolabili ad votum indefinitum obstrinxisset; petisse ut ad amplexus suos accederet talis, qualis cum Iunone consuesset: Itaque illa ex conflagratione perijt. Infans autem, quem in utero gestabat à patre exceptus, in femur eius insutus est, donec Menses fatui destinatos compleret; ex quo tamen onere Iupiter nonnihil claudicabat: Itaque puer, quòd Iouem dum in femore eius portaretur, grauaret, & pungeret
Dionysi

Dionysi nomen accepit. Postquam autem editus esset, apud Proserpinam per aliquot annos nutritus est; Cum verò adultus esset, ore ferè muliebri conspiciebatur, ut sexus videretur tanquam ambigui: Etiam extinctus & sepultus erat ad tempus, & non ita multo post renixit. Atque primà Inuentà vitis culturam, atque adeò Vini confectionem, & usum primus inuenit, & edocuit; ex quo celebris factus, & inclytus, orbem terrarum subingauit, & ad ultimos Indorum terminos perrexit: Curru autem vehebatur à Tigribus tracto: Circa eum subsultabant Demones deformes Cobali vocati, Acratas & alij: Quin & Musæ comitatu ei se addebant. Vxorem autem sibi sumsit Ariadnen à Theseo desertam, & relictam; Arbor ei sacra erat Hædera. Etiam sacrorum & Cereemoniarum Inuentor & Institutor habebatur, eius tamen generis, quæ & fanaticæ erant, & plenæ corruptelarum, atque insuper crudeles. Furores quoque immittendi potestatem habebat. Certè in Orgijs eius à Mulieribus furore

roris percitis, duo viri insignes discepti
 narrantur, Pentheus & Orpheus, ille
 dum arbore conscensâ spectator eorum,
 quæ agerentur esse voluisset, hic cum
 Lyram pulsaret. Atque huius Dei
 res gestæ cum Iouis rebus ferè confun-
 duntur. Fabula videtur ad mores per-
 tinere, ut nihil in Philosophiâ morali
 melius inueniatur. Describitur autem
 sub personâ Bacchi natura Cupidita-
 tis siue affectus, & perturbationis.
 Mater enim Cupiditatis omnis licet
 nocentissima, non alia est, quàm appe-
 titus, & desiderium Boni Apparentis:
 Concipitur verò semper Cupiditas in
 voto illicito, prius temerè concesso,
 quàm intellecto & iudicato. Postquam
 autem affectus efferuescere ceperit,
 Mater eius (natura scilicet Boni) ex
 nimio incendio destruitur, & perit:
 Cupiditas autem dum immatura est, in
 animâ humanâ, (quæ eius genitor est,
 & per Iouem representatur) & nu-
 tricatur, & occultatur, præcipuè in a-
 nimæ parte inferiore tanquam femore;
 atque animum pungit, & conuellit, &
 deprimat; adeo ut decreta, & Actio-
 nes

nes ex eâ impediuntur, & claudicent.
Atque etiam postquam consensu & habitu confirmata est, & in actus erumpit, tamen apud Proserpinam ad tempus educatur: id est, latebras querit, atque clandestina est, & quasi subterranea, donec remotis pudoris, & metus frenis, & coalitâ audacia, aut virtutis alicuius pretextum sumit, aut infamiam ipsam contemnit. Atque illud verissimum est, omnem affectum vehementiorem tanquam ambigui sexus esse. Habet enim impetum virilem, impotentiam autem muliebrem. Etiam illud præclare, Bacchum mortuum reuiuiscere. Videntur enim Affectus quandoque sopiti, atque extincti, sed nulla fides habenda est eis, ne sepultis quidem; siquidem præbitâ materiâ, & occasione resurgunt; Atque de Inuentione vitis parabola prudens est. Omnis enim affectus ingeniosus est & sagax ad inuestigandum fomites suos; Ante omnia autem, quæ hominibus innotuere, vinum ad perturbationes cuiuscunque generis excitandas, & inflammandas potentissimum est, & maxime

ximè efficax; atque est eis, instar fomitus communis. Elegantissime autem ponitur affectus provinciarum subiugator, & expeditionis infinitæ susceptor. Nunquam enim partis acquiescit, sed appetitu infinito neque satiabili ad ulteriora tendit, & novis inhiat; Etiam Tigres apud affectus stabulant & ad Currum lugantur; Postquam enim affectus aliquis Currulus esse capit non pedestris, & victor rationis & Triumphator; in omnia quæ aduersantur, aut se opponunt crudelis est & indomitus & immitis. Facetum autem est, quod circa Currum subsultant illi Damones ridiculi omnis enim affectus progignit Motus in oculis & ore ipso & gestu indecoros, & inconditos, subsultorios & deformes, adeo ut qui sibi in aliquo affectu, veluti Irâ, Arrogantia, Anore, videatur magnificus & tumidus, alijs tamen sit turpis & ridiculus; Conspiciuntur etiam in affectus Comiæ Musæ. Neque enim reprimatur ullus ferè affectus, cui non blandiatur aliqua Doctrina. Hac enim in re ingeniorum indulgentia, Musarum Maestatem minuit, ut

cum

cum duces vitæ esse debeant, sint affectum pedisseque. Atque imprimis nobilis est illa Allegoria, Bacchum amores suos in eam effudisse, quæ ab alio relicta erat: Certissimum enim est Affectum id petere, & ambire, quod experientia repudiavit. Atque norint omnes, qui affectibus suis servientes, & indulgentes pretium potiundi in immensum augent, siue honores appetant, siue fortunas, siue Amores, siue gloriam, siue scientiam, siue alia quacunque, se res relictas petere, & à compluribus per omnia serè secula post experimentum dimissas & fastiditas. Neque Mysterio caret, quod hædera Bacchò sacra fuerit. Hec enim Duplici modo convenit. Primum, quod hædera hyeme virescat, Deinde quod circa tot res, arbores parietes, ædificia serpat, ac circumfundatur, ac se attollat. Quod ad primum enim attinet, omnis affectus per renitentiam & vetitum, & tanquam Antiperistasin (veluti per frigus brumæ hædera) virescit, & vigorem acquirit. Secundo affectus prædominans, omnes humanas actiones & omnia

E 2 huma-

humana decreta tanquam hederæ circumfunditur, atque ijs se addit, & adiungit, & immiscet. Neque mirum est, si superstitiosi ritus Baccho attribuantur, cum omnis ferè malè sanus affectus in pravis religionibus luxurietur: aut si furores ab eo immitti putentur, Cum omnis affectus, & ipse furor brevis sit, & si vehementius obsideat, & incumbat, in insania terminetur. Illud autem de Pentheo, & Orpheo Laceratis evidentiè habet parabolam; Cum Affectus prænalidus & inquisitioni curiosa, & admonitioni salutari, & libera, asperrimus, atque infensissimus sit. Postremò illa confusio personarum Iouis & Bacchi, ad parabolam rectè traduci potest; quando res gesta nobiles et clare, & merita insignia, & gloriosa, interdum à virtute, & rectà ratione, & Magnanimitate, interdum à latente affectu, et oculi à cupiditate (ut cumq; fame, et Landis celebritate efferantur) proueniant; ut non facile sit distinguere facta Bacchi, à factis Iouis.

25.

A T A L A N T A, siue Lucrum.

ATALANTA cū velocitate excelleret, de victoriā Cursus cum Hippomene certamen iniit. Conditio- nes certaminis erant ; victori Hippo- meni Coniugiū ATALANTÆ, Mors victo. Neq₃ dubia victoria videbatur, cum ATALANTÆ insuperabilis in cursu præstantia multorum exitio in- signita fuisset. Itaque Hippomenes ad dolos animum adiecit. Parauit an- tem tria Mala Aurea, eaque circa se habuit: Res geri cepit; Præcurrit AT A- LANTA; Ille cū se à tergo relictum cerneret, artis non immemor, ex malis aureis vnum ante conspectum AT A- LANTÆ proiecit; non rectā quidem sed ex transuerso, ut illā & moraretur, atque insuper de viā deduceret; Illa cu- piditate muliebri, & Mali pulchritu- dine illecta, omisso stadii post malum cucurrit, & ad illud tollendum se sub- misit. Hippomenes interim, spatium stadij non paruum confecit, Eāque post se reliquit. Illa tamen rursus natu-

rali pernecitate iacturam temporis re-
sarciuit, atq; iterum emicuit; sed cum
Hippomenes secundo & tertio huius-
modi moras ei iniiecisset, tandem victor
astutiâ non virtute evasit. Fabula
videtur Allegoriam insignem propone-
re de Certamine Artis cum Naturâ.
Ars enim per ATALANTAM signi-
ficata, virtute propriâ, si nihil obstat, &
impediat, longè naturâ velocior est, &
veluti Cursus citatoris; et celerius ad
Metam pervenit. Hoc enim in omni-
bis ferè effectis patet; Cernas fructus
ex nucleis tardè ex insitione celeritè
provenire, Cernas Lutum in genera-
tione Lapidum tardè, in torrefactione
Laterum citò durescere; Etiam in
Moralibus, dolorum oblivionem, & so-
lacia diuturnitas temporis quasi ex be-
neficio naturæ inducit, Philosophia au-
tem (quæ veluti Ars vivendi est) di-
em non expectat, sed præstat & repræ-
sentat. Verùm istam Artis prærogati-
vam & vigorem infinito rerum huma-
narum detrimento, Mala Aurea re-
tardant: Neque reperitur ex scientiis,
aut Artibus aliqua, quæ cursum su-

*um verum & legitimū ad finem suum,
tāquam ad Metam, constanter pro-
duxerit; Sed perpetuò Artes incapta
præcidiunt, & stadium deserunt, & ad
lucrum et commodum declinant, instar
A T A L A N T æ,*

Declinat Cursus, aurumq; volubile tollit:

*Itaque mirum minimè est, si Arti
non datum sit, Naturam vincere, &
victam ex pacto illo & lege Certami-
nis perimere, aut destruere; Sed Con-
trarium eueniat, ut Ars in Naturæ po-
testate sit, atque veluti nupta mulier
coniugi pareat.*

26.

P R O M E T H E V S, siue
Status hominis.

TRadunt Antiqui Hominem fuisse
opus PROMETHEI, atque ex
Luto factum, nisi quod P R O M E-
T H E V S particulas ex diuersis Anima-
libus Masse admiscuerit. Ille autem
cū opus suum beneficio suo ineri vel-
let, neque Conditor solū generis hu-
mani videri, verū etiam Amplifi-
cator,

cator, ad Cælum ascendit furtim, fascēs secum portans ex Ferulâ, quibus ad currum Solis admotis, & accensis, Ignem ad terram detulit, atque cum hominibus communicavit. Ob tantum PROMETHEI meritum memorant homines parum gratos fuisse. Quinetiam conspiratione factâ, & Prometheum & inuentum eius apud Iouem accusârunt. Ea res non perinde accepta, atque æquum videri possit. Nam ipsa accusatio Ioui, & Superis admodum cordi fuit. Itaque delectati non solum ignis usum Hominibus indulserunt, verum & novum Munus omnium maxime amabile & optabile (perpetuam nimirum Inuentam) homines donârunt. Illi gestientes & inepti, donum Deorum Asello imposuerunt. Inter redeundum autem laborabat Asellus siti graui, & vehementi; cūque ad fontem quendam peruenisset, serpens fontis custos additus, eum à potu prohibuit, nisi illud quodcunque esset, quod in dorso portaret pacisci vellet: Asellus miser conditionem accepit, atque hoc modo in stauratio Inuentus, in pretium haustus

hauſtus puſilla aqua, ab hominibus ad
Serpentes tranſmiſſa eſt. Verùm Pro-
metheus à Malitia ſua non abſcedens,
atque hominibus poſt præmium illud e-
orum fruſtratum, reconciliatus, animo
verò erga Iouem exulcerato, dolos eti-
am ad Sacrificium adhibere veritus
non eſt. Atque duos aliquando tauros
Ioui dicitur immolaſſe, ita tamen ut
in alterius pelle carnes & adipem am-
borũ incluſerit, alteram pellem offibus
tantummodo ſuffarcinãrit; atque de-
inde religioſus ſcilicet, & benignus
Ioui optionem conceſſit. Iupiter vaſti-
ciem, & malam fidem eius deteſtatus,
ſed naſtus occaſionem ultionis, Ludi-
brium illud tauri elegit; atque ad vin-
dictam conuerſus, cùm ſe inſolentiam
Promethei reprimere non poſſe ani-
maduerteret, niſi hominum genus (quo
opere ille immenſum turgebat, & effe-
rebatur) afflixiſſet, Vulcano impe-
rauit, ut ſæminam componeret pul-
chram & venuſtam, cui etiam Di
ſinguli dotes ſuas impertiunt, quæ id-
circo Pandora vocata eſt. Huic ſæmi-
næ inter manus vaſculum elegans poſue-
runt

runt, in quo omnia mala, & erumnas incluserant; subsidedat autem in imo vase Spes. Illa cum vasculo suo ad Prometheum, primò se contulit, eum captans, si fortè ille vas accipere vellet, & aperire; quod ille cautus & astutus reiecit. Itaque ad Epimetheum Promethei fratrem, (sed diversa admodum indolis) spreta deflexit. Ille nihil cunctatus, vas temerè aperuit; cùmque mala illa omni genera enolare cerneret, serò sapiens, magnâ contentione, & festinatione vasi operculum suum rursus indere conatus est, vix tamen ultimam, & in fundo residentem Spem servare potuit. Postremò Prometheo Iupiter plurima & gravia imputans, quòd dignis olim furtum fecisset, quòd Iovis maiestatem in sacrificio illo doloso ludibrio habuisset, quòd donum eius aspernatus esset, novo etiam addito crimine, quòd Palladem vitare tentasset, cum in vincula coniecit, & ad perpetuos cruciatus damnavit. Erat enim iussu Iovis adductus ad montem Caucasum atq; ibi Columna alligatus, ut nullo pacto se movere posset; aderat autem

autem Aquila, quæ iecur eius interdum
roſtro tundeſbat atque conſumebat, no-
ctu autem quantum comēſum erat, re-
naſcebatur, ut nunquam doloris mate-
ria deficeret. Memorant tamen hoc
ſupplicium aliquando finem habuiſſe.
Hercules enim in Poculo quod à Sole
acceperat, navigato Oceano, ad Cauca-
ſum peruenit, atque Prometheum li-
berauit, Aquilâ ſagittis confixâ. In-
ſtituta autem ſunt, in honorem Prome-
thei apud nonnullos populos Lampadi-
ferorum certamina, in quibus decur-
rentes accenſas faces ferebant, quas ſi
extingui contigiffet, victoriam ſequen-
tibus cedebant, & ſe ſubducebant, atq;
is demum palmam accepit, qui primus
facem accenſam ad metam uſque delu-
liſſet. Fabula contemplationes pluri-
mas veras atque graues & præ ſe fert.
& præmit. Nonnulla enim in eâ iam-
pridem rectè notata, alia planè intacta
ſunt. Prometheus Pronidentiam li-
quidò & diſertè ſignificat: Atque in re-
rum vniuerſitate ſola deſumpta & de-
lecta eſt ab Antiquis Hominis fabrica
& conſtitutio, quæ pronidentie attribu-
atur

atur tanquam opus proprium. Huius rei non solum illud in causâ esse videtur quod hominis natura Mentem suscipit, atque intellectum Providentia sedem, atq; durum quodammodo videtur, & incredibile ex principiis brutis, & surdis excitare, et educere Rationem et Mentem, ut ferè necessariò cõcludatur providentia Anima humane indita esse non sine exemplari & intentione, & Authoramento Providentia maioris: Verum et hoc precipuè proponitur, quod Homo veluti Centrum Mundi sit, quatenus ad causas finales; adeo ut sublato è rebus Homine, reliqua vagari sine proposito videantur, & fluctuari, atque quod aiunt scopæ dissolutæ esse, nec finem petere. Omnia enim subseruiunt homini, isque usum & fructum ex singulis elicit & capit. Etenim Astrorum conversiones, & Periodi, & ad distinctiones temporum, & ad Plagarum Mundi distributionem faciunt. Et Meteora ad præsagia tempestatum, & ventitum ad navigandum, tum ad Molas, & Machinas, & Plantæ atque Animalia cuiuscunque generis, aut
ad

ad domicilia Hominis & latebras, aut ad vestes, aut ad victum, aut ad Medicinam, aut ad levandos labores, aut denique ad delectationem & solatium referuntur, ad cò ut omnia prorsus non suam rem agere videantur, sed Hominis. Neque temerè additum est, in *Massà illà & Plasmate*, particulas ex diuersis animantibus desumptas, atque cum luto illo temperatas & confusas fuisse; quia verissimum est omnium rerum, quas uniuersum complectitur, Hominem rem maximè compositam, esse, & decompositam, ut non immeritò ab Antiquis *Mundus Minor* vocatus sit. Quamuis enim verbi *Microcosmi* Elegantià, Chymici nimis putidè, & ad literam acceperint, & detorserint, dum in Homine Omnem Mineram, Omne vegetabile & reliqua, aut aliquid eis proportionatum subesse volunt; Manet tamen illud solidum & sanum quod diximus; Corpus Hominis omnium Entium & maximè mistum, & maximè organicum reperiri, quo magis admirandas virtutes & facultates suscipit, & nanciscitur: Simplicium enim

Corpo-

Corporum vires paucae sunt, licet certa
 & rapida, qui minimè per Mixturam
 refracta, & comminuta, & librata
 existunt; virtutis autem Copia & ex-
 cellentia in Mislurâ & compositione
 habitat. Atque nihilominus Homo in
 originibus suis videtur esse res inermis
 & nuda, & tarda in iuuamentum sui,
 denique quae plurimis rebus indigeat.
 Itaque festinauit Prometheus ad in-
 uentionem ignis, qui omnibus ferè hu-
 manis necessitatibus & vsibus suppedi-
 tat & ministrat leuamenta et auxilia:
 ut si forma formarum Anima, si in-
 strumentum instrumentorum Manus,
 Etiam Auxilium auxiliorum, siue O-
 pis Opium Ignis dici mereatur. Hinc
 enim omnis industria, Hinc Artes
 Mechanicae, Hinc scientia ipsa infinitis
 modis adiuvantur. Modus autem
 furti ignis aptè describitur, atque ex
 naturâ rei. Is fuisse perhibetur per
 virgam ex ferula ad Currum Solis
 admotam. Ferula enim ad percussio-
 nem et plagas adhibetur, ut luculenter
 significetur Ignis generationem per cor-
 porum violentas percussiones et collisio-
 nes

nes fieri, ex quibus attenuantur Materie, & in motu ponuntur, & ad calorem Cœlestium suscipiendum præparantur, ignemque veluti ex curru Solis modis clandestinis, ac quasi furtim decerpunt & rapiunt. Sequitur Parabole pars insignis. Homines loco gratulationis, & gratiarum actionis, ad indignationem, & expostulationem versos esse, atque accusationem & Promethei & Ignis apud Iouem instituisse; eamque rem Ioui acceptissimam fuisse, adeò ut hominum commoda ob hoc nouâ munificentia cumulauerit. Quorsum enim ista criminis ingrati erga Authorem suum animi (quod vitium omnia fere complectitur) approbatio & remuneratio? Res alio spectare videtur. Hoc enim vult Allegoria; Incusationem & Naturæ suæ & Artis per homines factam, ex optimo Mentis statu proficisci, atque in bonum cedere; contrarium Dijs inuisum, & infavescens esse. Qui enim Naturam humanam, vel Artes receptas in immensum extollunt, & effusi sunt in admirationem earum rerum, quas habent, & possident,

sident, & Scientias quas proficiuntur, aut colunt, perfectas prorsus censeré volunt; illi primò aduersus diuinam naturam minus reuerentes sunt, cuius perfectioni sua ferè aequiparant; Deinde ijdem erga homines magis sunt infructuosi, cum se ad fastigium rerum iam peruenisse putent, & tanquam perfecti ulteriora non querant. Contrà qui Naturam & Artes deferunt, & accusant, & querimoniarum pleni sunt, illi verè & magis modestum animi sensum retinent, & perpetuò ad nouam industriam, & noua Inuenta extimulantur. Quo mihi magis mirari libet. Hominum inscitiam, et malum Genium, qui paucorum arrogantia seruuli, istam Peripateticorum Philosophiam, portionem Græcæ sapientie, nec eam magnam, in tantâ veneratione habent, ut omnem eius incusationem non solùm inutilem, sed inspectam & ferè periculosam reddiderint. Atque magis probandus est, & Empedocles, qui tanquam furens, & Democritus qui magnâ cum vereundiâ, queruntur, Omnia abstrusa esse, nihil nos scire, nil cernere,

cernere, veritatem in profundis puteis immersam, veris falsa miris modis adiuncta, atque intorta esse; (nam Academia nona modum prorsus excessit) quàm Aristotelis schola fidens & Pronunciatrix. Itaque monendi sunt Homines, de lationem Naturæ & Artis Dyscordi esse, & novas Eleemosynas, & donaria à divinà benignitate impetrare, & incusationem Promethei licet Authoris & Magistri, eamque acrem & vehementem, magis sanam & utilem, quàm gratulationem effusam esse, denique opinionem Copiæ inter maximas causas Inopiæ reponi. Quod verò attinet ad Donigenus, quod homines in premium accusationis dicuntur accepisse (florem Iuventutis videlicet non deciduum) eiusmodi est, ut videantur antiqui de Modis & Medicinis ad senectutis retardationem, & vitæ prolongationem facientibus, non desperasse; sed illa utique numerasse potius inter ea, quæ per Hominum inertiam, & incuriam licet semel accepta perire, aut frustrata sunt; quàm inter ea quæ planè negata & nunquam concessa

concessa fuerint. Significant enim, & innuunt, ex ignis vero usu, atque ex artis erroribus bene & strenuè accusatis, & conuictis, munificentiam diuinam ad huiusmodi dona hominibus non defuisse; ipsos sibi deesse, cum hoc Deorum manus Asello imposuerint lento & tardigrado; Ea videtur esse Experientia res stupida & plena mora, ex cuius gradu tardo & testudineo antiqua illa querimonia de Vitâ breui, & Arte longâ nata est. Atque certè nos in eâ sumus opinione, facultates illas duas, Dogmaticam & Empiricam, adhuc non benè coniunctas & copulatas fuisse, sed noua Deorum munera, aut Philosophis abstractis tanquam leui Volucris; aut lenta, & tarda experientia tanquam Asello imposita esse. In quo tamen de Asello illo non malè ominandum est, nisi interueniat illud accidens via & suis. Existimamus enim si quis experientia, veluti certâ lege & Methodo constantè militet, neque inter viam experimenta, quæ vel ad Lucrum faciunt, vel ad ostentationem, sitiat: ut ad ea comparanda onus suum deponat & di-

& distrahat; eum munificentia diuina aucta & noua Baulum non inutilem fore. Quòd verò donum illud ad Serpentes transierit, ea videtur adiectio ad Fabulam ornatus ferè gratiâ, nisi forte illud inseruerint, ut Homines pudeat, si cum igne illo suo, & tot artibus ea in se transferre non posse, quæ Natura ipsa compluribus alijs animalibus largita est. Etiam illa subita Hominum cum Prometheo reconciliatio postquam spe suâ decidissent, motum habet utile & prudens. Notat enim Hominum leuitatem & temeritatem in experimentis nouis. Ea enim si statim non succedant, & ad vota respondeant, præproperâ festinatione, homines incepta deserunt, & præcipites ad vetera recurrunt, iisque reconciliantur. Descripto statu hominis, quoad Artes & intellectualia, Parabola transit ad Religionem; culturam enim Artium, cultus Diuinorum comitatus est; quem statim Hypocrisis occupauit & polluit. Itaque sub duplici illo sacrificio, eleganter representatur persona verè Religiosi & Hypocrite. Alteri enim inest

adeptus,

adepts, Dei nimirum portio, ob inflammationem, & suffitum, per quod affectus & zelus ad gloriam Dei incensus, atque alta petens significatur; Insunt viscera charitatis, insunt carnes bonae, & utiles. In altero nihil præter ossa arida, & nuda reperiuntur, quæ nihilominus pellem farciunt, & hostiam pulcherrimam & magnificam imitantur; per quæ rectè notantur externi, et inanes ritus et Ceremoniæ ieiunæ, quibus homines cultum diuinum onerant et inflant, res ad ostentationem potius compositæ, quàm ad pietatem facientes. Neque satis est hominibus huiusmodi ludibria Deo offerre, nisi ea etiam illi imponant et imputent, ac si ipse illa elegerit, et præscripserit. Certè Prophetæ sub Dei personâ de hac optione expostulat: Num tandem hoc est illud ieiunium, quod ELEG I, vt homo animam suam in diem vnum affligat, & caput instar iuncæ demittat? Post statum Religionis, Parabola se vertit ad mores, et humanæ vitæ conditiones. Atque peruulgatum est illud, et tamen rectè positum, per Pandoram

doram significari Voluptatatem, & libidinem, quæ post vitæ civilis artes & cultum, & luxum, veluti ex dono ignis & ipsa incensa est; Itaque Vulcano qui similiter ignem representat, opificium voluptatis deputatur, Ab illâ autem infinita mala, & in animos & in corpora, & fortunas hominum unâ cum serâ pœnitentiâ fluxerunt; neque tantum in status singulorum, verum etiam in regna & respub. Ab eodem enim fonte bella & tumultus, & Tyrannides ortum traxere. Verum operæpretium est animadvertere, quàm bellè & eleganter fabula duas humane vitæ conditiones, & veluti Tabulas siue Exemplasub personis Promethei & Epimethei depinxerit. Qui enim sectam Epimethei sequuntur, illi improuidi, neque in longum consulentes, quæ in præsentia suavia sunt, prima habent, atque multis sanè propter hoc angustijs & difficultatibus, & calamitatibus premuntur, & perpetuò ferè cum illis conflitantur; interim tamen genium suum placant, atque insuper ob rerum imperitiâ multas inanes spes intra
animum

animum voluunt, quibus tamen veluti
suauibus insomnijs se delectant, atque
miserias vite sue condunt. Promethei
autem schola, homines nimirum pru-
dentes, & infuturum prospicientes,
multa scilicet mala, & infortunia cau-
tè submouent & reijciunt; verum cum
hoc bono illud coniunctum est, ut mul-
tis voluptatibus, & varia rerum in-
cunditate se priuent, et Genium suum
fraudent, atque quod multò peius est,
curis et sollicitudine et timoribus inte-
stinis se crucient, et conficiant. Alli-
gati enim Necessitatis columnæ, innu-
meris cogitationibus (quæ, quia volu-
cres admodum sunt, per Aquilam sig-
nificantur) iisque pungentibus, et ie-
cur mordentibus, et corrodentibus ve-
xantur; nisi fortè aliquando veluti no-
ctu exiguum quampiam animi remis-
sionem, et quietem nanciscantur; ita
tamen ut statim subinde redeant nouæ
anxietates, et formidines. Itaque pau-
cis admodum viriusque sortis benefi-
cium contigit ut prouidentia commoda
retinuerint, sollicitudinis, et perturba-
tionis malis se liberarint: neque id
quis-

quisquam assequi potest, nisi per Herculem, id est, Fortitudinem, & animi constantiam, quæ in omnem euentum parata, & cuiusque sorti æqua, prospicit sine metu, fruitur sine fastidio, & tolerat sine impatientiâ. Atque illud notari dignum est, virtutem hanc PROMETHEO non innatam, sed aduentitiam fuisse, atque ex ore alienâ. Nulla enim ingenta, & naturalis Fortitudo tantæ rei par esse possit. Sed hæc virtus ab ultimo Oceano, atque à Sole accepta & aduicta est; Prestatur enim à Sapientiâ, tanquam à Sole, & à meditatione inconstantie, ac veluti undarum humane vite tanquam à navigatione Oceani; quæ duo Virgilius benè coniunxit.

Fœlix qui potuit rerum cognoscere causas,
Quique metus omnes, & inexorabile fatum
Subiecit pedibus, strepitumq; Acherontis auari.

Elegantissimè autem additur ad Hominum animos consolandos, & confirmandos, Heroem istum ingentem in Poculo sine Viceo nauigasse; ne sortè nature sue angustias, & fragilitatem nimium pertimescant, aut causentur; ac
sibi-

*si huiusmodi fortitudinis & constantia
capax omnino non esset; de quo ipso Se-
neca bene ominatus est cum dicat,
Magnum est habere simul fragilita-
tem hominis, & Securitatem Dei.
Sed iam retrocedendum est ad illud,
quod consultò preteriuimus, ne ea quæ
inter se connexa sunt abrumperemus:
Hoc est, de nouissimo illo Promethei
crimine, quod pudicitiam Mineræ sol-
licitasset. Nam & ob hoc Delictum
grauissimum certè, & maximum, illam
pœnam laniationis viscerum subiit. Illud
non aliud esse videtur, quàm quod ho-
mines artibus, & Scientiâ multâ infla-
ti, etiam Sapiëntiam diuinam sensibus
& rationi subicere sapiùs tentent: ex
quo certissimè sequitur mentis laceratio
& stimulatio perpetua & irrequieta.
Itaque mente sobriâ & submissâ distin-
guenda sunt humana & diuina; atque
oracula sensus, & fidei nisi fortè & re-
ligio heretica, & philosophia commen-
titia hominibus cordi sit. Restat vlti-
mum illud de ludis Promethei cum te-
dis ardentibus. Hoc rursus ad Artes
& Scientias pertinet, sicut Ignis ille ad
cuius*

cuius memoriam & celebrationem huiusmodi Ludi institui sunt ; atque continet in se monitum idque prudentissimum ; ut perfectio Scientiarum à successionem, non ab unius alicuius perniciousitate, aut facultate expectetur. Etenim qui ad cursum & contentionem velocissimi & validissimi sunt, ij ad facem suam accensam servandam fortasse minùs sunt habiles, cum à cursu rapido, aequè ac nimis tardo, periculum extinctionis immineat. Isti autem Luminum cursus & certamina iampridem intermissa videntur, cum Scientia in primis quibusque authoribus, Aristotele, Galeno, Euclide, Ptolomæo, maxime florere cernantur ; atq; successio nil magni effecerit, aut fere tentaverit. A que optandum esset, ut isti Ludi in honorem Promethei siue Humana Naturæ instaurarentur, atque Res certamen et emulationem et bonam fortunam reciperet, neque ex unius cuiuspiam face tremula atque agitata penderet. Itaque homines monendi sunt, ut se ipsi excuscent, & vires atque etiam vices suas experiantur, neque in paucorum hominum

animulis & cerebellis omnia ponant. Hæc sunt illa, quæ in Fabulâ istâ vulgari, & decantatâ nobis adumbrari videtur: neque tamen inficiamur, illi subesse haud pauca, quæ ad Christianæ fidei mysteria miro consensu innuant; ante omnia Nauigatio illa Herculis in Vrceo ad liberandum Prometheum, Imaginem Dei Verbi in carne tanquã fragili vasculo ad redemptionem humani properantis præ se ferre videtur. Verùm nos omnem in hoc genere licentiam nobis ipsi interdiciamus, ne fortè Igne Extraneo ad Altare Domini utamur.

27.

SCYLLA, & ICARVS,
siue, Via media.

Mediocritas siue Via Media, in Moralibus laudatissima est; in Intellectualibus minùs celebrata, sed non minùs utilis & bona: In Politicis tantùm suspecta, & cum Iudicio adhibenda. Morum autem Mediocritates, per viam ICARO præscriptam; Intellectu-

telleſtinalium autem, per viam inter Scyllam & Charybdim ob difficultatem & periculum decantatam, ab Antiquis notantur. ICARO præcepit Pater cum Mare eſſet præteruolandum, ut viam aut nimis ſublimem, aut nimis humilem caucret. Cum enim Ala cerâ eſſent conglutinata, periculum erat ſi alius efferretur, ne cera ex Solis ardore liqueſceret; ſi ad vaporem Maris propius ſe ſubmitteret, ne ab humore ceraminiùs tenax efficeretur. Ille verò auſu Iuuenili in celſiora contendit, atq; in præceps lapſus eſt. Parabola facilis & vulgata eſt; Virtutis enim via inter Exceſſum, & Deſectum recto tramite aperitur. Neque Mirum erat ſi ICARVM Exceſſus perdiderit. Exceſſus enim ferè Iuuenum; Deſectus Senum vitia eſſe ſolent; ex ſemitis tamen malis & nociuis potiorem elegit. Deſectus enim prauiores eſtimantur; cum Exceſſui nonnihil magnanimitatis ſubſit & cognationis cum Cælo, ad inſtar Volucris: Deſectus verò humi ſerpit inſtar Reptilis. Itaque præclarè Heraclitus, Lumen ſiccum, optima Anima.

Etenim si ex humo humorem contrahat Anima; prorsus degenerat; Etiam ex alterâ parte Modus adhibendus est, ut ab illâ siccitate laudatâ, Lumen reddatur subtilius, non corripiatur incendium. Atque hæc cuius ferè nota sunt. Via autem illa inter Scyllam & Charybdim, certè & peritiam navigandi, & foelicitatem desiderat. Si enim in Scyllam incidant Naves, illiduntur cantibus: si in Charibdim, absorbentur. Cuius Parabola cavidetur esse vis (quam nos breviter perstringemus, tametsi infinitam trahat contemplationem) ut in omni Doctrina & Scientiâ, earumque Regulis & Axiomatibus, Modus teneatur inter Distinctionum Scopulos, & universalem Voragines. Hæc enim duo naufragijs ingeniorum, & Artium famosa sunt.

28.

SPHINX, siue Scientia.

TRaditur SPHINX fuisse Monsterum specie multiforme; facie, & voce virginis; pennis volucris; unguibus

guibus Gryphi; Iugum autem Montis
in agro Thebano tenebat, & vias ob-
sidebat: Mos autem ei erat, viatores
ex insidijs invadere, ac comprehendere;
quibus in potestatem redactis, Enig-
mata quaedam obscura & perplexa pro-
ponebat, quæ à Musis præbita, & ac-
cepta putabantur. Ea si solvere, & in-
terpretari, miseri captivi non possent;
hesitantes & confusos magnâ senitiâ
dilaniabat. Hec calamitas cum diu
grassaretur; premium propositum est à
Thebanis, (ipsum Thebarum Imper-
rium) viro qui Sphingis Enigma-
ta explicare possit, (neque enim alia
superanda illius ratio erat.) Tanto pre-
tio excitatus Oedipus vir acer, &
prudens, sed pedibus laesis, & perfora-
tis, conditionem accepit, & experiri
statuit. Postquam autem fidens animi
& alacer se coram Sphinge stitisset;
Illa ab eo quesivit, quale tandem illud
Animal esset, quod primò quadrupes
natum, postea bipes factum esset, deinde
tripēs, ad extremum rursus quadrupes.
Ille præsentī animo respondit, Illud in
Hominem competere, qui sub ipsum

partum & infantiam quadrupes pronol-
nitur, & vix reperere tentat; nec ita
multò post erectus & bipes incedit; in
Senectute autem baculo innititur, &
se sustentat, ut tanquam tripes videa-
tur; extremâ autem atate decrepitus
Senex labantibus nervis, quadrupes
decumbit, & lecto affigitur. Itaque ve-
ro responso victoriam adeptus, Sphin-
gem interemit; Cuius corpus Asello
impositum, veluti in Triumpho duce-
batur; ipse autem ex pactis Rex The-
banorum creatus est. Fabula elegans,
nec minùs prudens est; atque videtur
conficta, de Scientiâ, præsertim coniun-
ctâ Practicâ. Siquidem Scientia non
absurdè Monstrum dici possit, cum
ignorantibus & imperitis prorsus ad-
mirationi sit. Figurâ autem, & Sp:cie
multiformis est, ob immensam varia-
tem subiecti, in quâ Scientia versatur;
vultus & vox affingitur Muliebris ob
gratiam & loquacitatem: Adduntur
alæ, quia Scientie & earum Inventa
momento discurrunt, & volant, cum
Communicatio Scientie sit instar Lu-
minis de Lumine, quod affatim incen-
ditur.

ditur. Elegantissimè autem attribuuntur ungues acuti, & adunci; quia scientia Axiomata, & Argumenta penetrant mentem, eamque præbendunt & tenent, ut mouere & elabi non possit; quod & sanctus Philosophus notauit; Verba Sapientum (inquit) sunt tanquam Aculei, & veluti Clauis in altum defixi. Omnis autem Scientia collocata videtur in arduis & editis Montium. Nam res sublimis meritò putatur, & excelsa, & ignorantiam tanquam ex superiore loco despicens, atque etiam latè & undequaque speculatur & prospicit, ut in verticibus Montium fieri solet. Vias autem obsidere fingitur Scientia, quia ubique in Itinere isto, siue peregrinatione vite humane, Materia & occasio Contemplationis se ingerit & occurrit. Proponit autem Sphinx quæstiones & AEnigmata mortalibus varia & difficilia, quæ accepit à Musis. Ea tamen quamdiu apud Musas manent, sanitiâ fortassè carent. Donec enim nullus alius finis Meditationis, & disquisitionis sit, præter ipsum Scire, Intellectus non premi-

F 4

tur,

tur, nec in Arcto ponitur, sed vagatur, & expatiatur; atque in ipsâ dubitatione, & varietate nonnullam incunditatem & delectationem sentit; sed postquam à Musis huiusmodi Enigmata ad Sphingem transmissa sunt, id est ad Practicam, ut instet, & urgeat Actio & Electio, & Decretum: tum demùm Enigmata molesta & saeva esse incipiunt, & nisi solvantur & expediantur, animos hominum miris modis torquent, & vexant, & in omnes partes distrahunt, & planè lacerant. Proinde in Enigmatibus Sphingis duplex semper proponitur conditio; non soluentis mentis laceratio; soluenti Imperium. Qui enim rem callet, is fine suo potitur, atque omnis artifex Operi suo imperat. Enigmatum autem Sphingis duo in uniuersū sunt genera: A Enigmata de Naturâ rerum, atque A Enigmata de Natura hominis, Atque similiter in pramium solutionis sequuntur duo Imperia; Imperium in Naturam, & Imperium in Homines; vera enim Philosophie Naturalis finis proprius & ultimus est, Imperium in res

Na-

Naturales, Corpora, Medicinas, Mechanica, alia infinita, licet Schola, oblati contenta, & sermonibus tumefacta, Res & Opera negligat, & ferè proiciat. Verùm Enigma illud Oedipodi propositum, ex quo ille Imperium Thebanum adeptus est, pertinebat ad naturam Hominis; Quisquis enim naturam Hominis; prorsus intropexit, ille faber ferè fortuna sue esse potest, & ad imperandum natus est. Id quod de Romanis artibus bene pronunciatum est,

*Tu regere imperio populos, Romane memento.
Hæ tibi erunt artes,-----*

Itaque appositè illud; quod Augustus Cæsar signo Sphingis siue de industriâ siue fortuito usus est. Ille enim (si quis unquam) in politicâ excelluit, & in vite sue curriculo, plurima nova Enigmata de Naturâ hominis felicissimè soluit, quæ nisi dexter & paratus soluisset, multoties non procul ab imminente perniciæ & exitio absuisset. Atque additur in Fabulâ, Sphingis demicta Corpus in Asellum impositum fuisse. Elegantissimè certè, cum nihil sit tam acutum, & abstrusum, quin postquam

planè intellectum, & deinceps peruulgatum sit, etiam tardo imponi possit. Neque illud prætermittendum; debellatam esse Sphingem à viro pedibus clauato; Etenim nimis cito pede, & celeri gradu ad Enigmata Sphingis homines properare solent; unde fit, ut (prævalente Sphinge) potiùs per disputationes ingenia & animos lacerent, quàm per opera & effectus imperent.

29.

PROSERPINA, siue
Spiritus.

Narrant PLUTONEM, postquam regnum Inferorum ex partitione illà memorabili accepisset, de nuptiis alicuius è superis desperasse, si eas per colloquia, aut modos suaves tentaret; ut ad Raptum consilia sua dirigere ei fuerit necesse. Itaque captat à opportunitate PROSERPINAM Cereris filiam, virginem pulcherrimam, dum flores Narcissi in Siciliae pratis colligeret, subito incursum rapuit, atque quadrigis secum ad subterranea asportauit;

tauit; Ei magna reuerentia præbita
est, ut & Domina Diis vocata sit.
Ceres autem eius mater cum filia sibi
unicè dilecta nusquam comparuisset,
supra modum mæsta & anxia, tandem
accensam ipsa manu præse ferens, uni-
uersum orbis terrarum ambitum per-
agravit, ut filiam inuestigaret & re-
cuperaret. Id cum frustra fuisset, ac-
cepto fortè iudicio, quòd ad Inferos de-
uēta esset, multis lachrymis, & lamen-
tationibus Iouem fatigauit, ut illa ei
restitueretur. Atque tandem perui-
cit, ut si illa nihil ex ijs quæ apud Infe-
ros essent, degustasset, tum eam abdu-
cere liceret. Ea conditio Matris desi-
derio aduersa fuit; PROSERPINA
enim granatua ex malo granato gu-
stasse comperta est. Neque idcirco Ce-
res destitit, quin preces & ploratus de
integro resumeret. Postremò itaque ei
indultum est, ut PROSERPINA di-
spensatis temporibus, & alternis vici-
bus, sex menses cum Marito, alteris
sex cum Matre esset. Hanc PRO-
SERPINAM postea Theseus & Pe-
rithous eximiâ audaciâ thalamo Di-
tis

tis deducere tentârunt. Cùm autem in itinere super saxo apud Inferos defessi consedissent, eis resurgere minimè licuit, sed eternùm sedebant. PROSERPINA itaque Inferorum Regina mansit; in cuius Honorem etiam additum est priuilegium magnum; Cùm enim ab Inferis reuocare gradum, illis qui eò descendissent, fas non esset; ascripta est huic legi Exceptio singularis; ut si quis Ramum Aureum in donum PROSERPINÆ attulisset, ei ob hoc ire & redire liceret. Is Ramus vnicus erat in ingenti, & opaco luco, neque stirps erat, sed visci instar in alienâ arbore frondebat, atque anulso illo alter non deficiebat. Fabula ad Naturam pertinere videtur, atque vim, & copiam illam in subterraneis, diuitem & frugiferam, ex quâ hac nostra pullulant, & in quam rursus soluntur, & redeunt, perscrutari. Per Proserpinam antiqui significârunt Spiritum illum aethereum qui sub terrâ (per Plutonem representatâ) clauditur & detinetur à superiore globo diuulsus, quod non male expressit ille.

Siue recens tellus, seductaque nuper ab alto
Æthere, cognati retinebat semina cœli.

*Ille spiritus raptus à Terrâ fingitur,
quia minimè cohibetur, ubi tempus, &
moram habet ad euolandum, sed subi-
tâ distractione compingitur & figitur,
perinde, ac si quis aërem aqua com-
miscere tentet, hoc nullo modo efficere
possit, nisi per agitationem celerem &
rapidam; hac enim ratione videmus
illa corpora coniungi in Spumâ, Aëre
tanquam raptò ab Aquâ. Neque inele-
ganter additur, PROSERPINAM
flores Narcissi in vallibus colligentem
raptam fuisse; Quia Narcissus à cor-
pore sine stupore nomen sumit; atque
tum demùm spiritus ad raptum Mate-
ria Terrestris magis preparatus est &
opportunus, cùm coagulari incipit, ac
veluti torporem colligere. Rectè au-
tem tribuitur honor ille Proserpinæ,
qualis nulli uxori Deorum; ut Ditis
Domina sit, quia ille spiritus planè om-
nia in illis regionibus administrat, stu-
pido & quasi ignaro Plutone. Hunc
autem spiritum Æther, ac vis Cœle-
stium (per Cererem adumbrata)
infinita*

infinità sedulitate elicere, atque sibi restituere contendit; Fax autem illa Aetheris suae. Tada ardens in manu Cereris proculdubio Solē denotat, qui circa terrae ambitum luminis officio fungitur, atque maximè omnium esset ad Proserpinam recuperandam momenti, si omnino hoc fieri posset. Illa tamen haeret, & manet, cuius ratio sequitur accuratè & excellenter proposita in Paetis illis Iouis & Cereris. Primum enim certissimum est, duos esse modos spiritus in Materia solida & terrestri cohibendi. Alium per Constipationem suae obstructionem, qui est mera incarceration & violentia. Alterum per ministrationem proportionati alimenti, atque id fit sponte & libenter. Postquam enim Spiritus inclusus depascere incepit, atque se alere, euolare protinus non festinat; sed veluti in Terra sua figitur: atque haec est illa degustatio Proserpinæ ex malo granato; quæ si non fuisset, iampridem à Cerere cum face illa suam orbem terrarum peragrante, abducta fuisset. Spiritus enim qui subest Metallis & Mineralibus compin-

compingitur fortasse præcipuè per
Masse soliditatem; qui autem in
Plantis est & animantibus, in corpore
poroso habitat, & aperta effugia ha-
bet, nisi per illum modum Degustati-
onis libenter detineretur. Secundum
autem pactum de Semestri consuetu-
dine, non aliud est quàm Elegans de-
scriptio dispartitionis Anni; cum spi-
ritus ille per terram perfusus; quoad
res vegetabiles mensibus æstatis apud
superiora degat; atque mensibus hye-
mis ad subterranea redeat. Quod
verò attinet ad conatum illum Thesei
& Perithoi abducendæ Proserpinæ,
id eò spectat, quòd sæpius fiat, ut spiritus
subtiliores qui ad terram in multis cor-
poribus descendunt, ne tiquam illud ef-
ficient; ut Spiritum subterraneum ex-
sugant & secum uniant & euehant;
Sed contra ipsi coagulentur, neque am-
pliùs resurgant; ut Proserpina per eos
aucta incolis & imperio sit. De virgâ
autem illâ aureâ, vix videmur sustinere
posse impetum Chymestarum, si in nos
hac ex parte irruant; cum illi ab eodem
Lapide suo, & Auri montes, & Re-
stitutio-

stitutionem corporum naturalium veluti à Portis Inferorum promittant. Verùm de Chymicâ, atque Lapidis illius Prociis Perpetuis, certò scimus Theoricam eorum esse sine fundamento, suspicamur etiam practicam quoque esse sine certo pignore. Itaque missis illis, de istâ postremâ Parabola parte hac nostra sententia est. Nobis certè compertum est ex compluribus Antiquorum figuris, eos Conservationem, atque Instaurationem quadamtenus corporum naturalium, pro re desperatâ non habuisse, sed potiùs pro re abstrusâ, & quasi auiâ. Atque idem sentire hoc etiam loco videntur, cùm virgulam istam inter infinita virgulta ingentis & densissimæ Sylvæ collocarunt; Auream autem finxere, quia Aurum Durationis Tessera est, Insulinam, quia ab Arte huiusmodi effectus sperandus est, non ab aliqua Medicina, aut modo simplici, aut naturali.

METIS.

30.

METIS, siue Consilium.

Narrant Poëta antiqui IOVEM cepisse in uxorem METIN, cuius nomen non obscure Consilium significat; eam autem ex illo gravidam factam fuisse: Quod cum ille sensisset, partum eius nullo modo expectasse, sed utique eam deuorasse, unde & ipse pragnans factus sit: Puerperium autem mirum fuisse: Nam ex capite, siue Cerebro Palladem armatam peperisse. Huius Fabula monstrosa, & primo auditu insulsissima sensus, arcanum Imperij continere videtur, quâ arte scilicet, Reges se versus Consilia sua gerere soleant, ut authoritas, & maiestas eorum non solum illibata conseruetur, verum apud populum augeatur, & extollatur. Nam Reges se cum Consilijs suis, vinclo veluti nuptiali copulari, & coniungi, & de rebus maximis cum eis deliberare, Maiestatem suam ne aliquam minueret rectè iudicant: verum cum res iam ad decretum spectat, quod instar partus est; Con-

Consilij partes non ultrà tendere sinunt, ne acta ex Consilij arbitrio pendere videantur. Verùm, tum demùm Reges (nisi huiusmodi res sit, ut inuidiam à se deriuare cupiant) quicquid Consilio elaboratum & veluti in vtero efformatum est, in se transferre consueverunt, ut decretum & Executio (quæ quia cum potestate procedit, & necessitatem infert, elegantèr sub figurâ Palladis armatæ involuitur) ab ipsis emanare videatur. Neque satis est, ut authoritas Regum accedat, & voluntas soluta, & libera, & non obnoxia; nisi etiam hoc sibi sumant, ut ex Capite eorum, id est, ex Iudicio, & Prudentiâ propriâ decreta nata existimentur.

31.

SIRENES, siue
Voluptas.

FAbula de SIRENIBVS ad perniciosas illecebras voluptatis rectè, sed sensu vulgatissimo transfertur.

fertur. Nobis autem videtur, S A-
P I E N T I A V E T E R V M, tan-
quam Una male Calcata; ex quibus
licet nonnihil exprimitur, tamen po-
tissima quaque resident, & prater-
mittuntur. S I R E N E S Acheloi, &
Terpsichores unius ex Musis, filiae
fuisse narrantur; Ee primis tempori-
bus alatae erant; sed in ito temere cum
Musis certamine victae, alis mulctatae
sunt. Ex pennis autem evulsis, Mu-
sae Coronas sibi fecerunt; adeo ut ab
eo tempore Musae cum Capitibus alatis
procederent, prater unam S I R E-
N V M Matrem; Mora autem S I-
R E N V M erat in Insulis quibusdam
amoenis; Illae verò è speculâ naues ad-
ventantes cum conspicerent, Cantu
navigantes primò detinebant, deinde
alliciebant, exceptos autem necabant.
Neque simplex erat Cantilena, sed
singulos modis maxime naturae eorum
convenientibus captabant. Tanta au-
tem pestis erat, ut Insula S I R E-
N V M etiam longè intuitibus alberent
ex ossibus cadaverum inhumatorum.
Huic malo remedium repertum est,
genere,

genere, & modo duplex; Alterum ab Ulyſſe, Alterum ab Orpheo; Ulyſſes ſocijs omnino aures cerâ obturari iuſſit; Ipſe, cùm experimentum rei facere vellet, periculum autem depellere, ſe ad malum nauis alligari voluit, interminatus, nequis eum, licet rogatus, ſolueret; Orpheus verò, miſſis huiusmodi vinclis, clarâ voce Deorum laudes cantans ad tyram, voces SIRENUM retudit, & extra omne periculum fuit. Fabula ad mores pertinet, atque euident ſanè, nec minùs tamen elegans Parabola videtur. Voluptates ex Copiâ rerum, ac affluentiâ; atque ex Hilaritate, ſine exultatione animi proueniunt. Ille olim primis ipſis illecebris ſubitò, & tanquam alata, mortales rapere ſolebant. Doctrina autem & Eruditio, hoc ſaltem effecit, ut animus humanus ſe nonnihil cohibeat, & exitum rei ſecum perpendat; itaque alas voluptatibus detraxit. Hoc autem in Muſarum decus & honorem egregium ceſſit; Poſtquam enim Philoſophiam contemptum voluptatum

luptatum inducere posse nonnullorum exemplo patuit ; statim res sublimis visa est , quæ animam veluti humo affixam attollat & euehat , & hominum cogitationes (quæ in capite vigent) pennatas & veluti ethereas faciat. Sola Sirenum Mater pedestris , & sine alis mansit ; Ea proculdubio nil aliud est , quàm Doctrina leues , & ad incunditatem inuenta , & adhibita ; quales videntur Petronio illi in pretio fuisse , qui postquam sententiam Mortis accepisset , in ipsis atrijs Mortis delicias quasivit , cumque etiam literas in solatium adhibere vellet , nil (inquit Tacitus) legit eorum , quæ ad constantiam faciunt ; sed leues versus. Ex hoc genere est illud.

Viuamus mea Lesbia, atque amemus,
Rumoresque sexum seueriorum
Omnes vnus æstimemus Assis.

Et illud.

Iura senes nôrint, & quid sit fasque, nefa'que,
Inquirant tristes legumque examina seruent.

Huiusmodi enim doctrina , alas Musarum Coronis rursus detrahere , & Sirenibus restituere velle videntur.
Habi-

BIBLIOTECA NAZIONALE
ROMA

Habitare autem perhibentur Sirenes in Iusali, quia voluptates ferè secessus querunt, atque hominum cœtus sæpe visitant: Sirenum autem cantus omnibus decantatus est, eiusque pernicies, & artificium varium: Itaque interprete hac non egent. Illud magis acutum de ossibus veluti Clinis albetibus è longinquo visis: Ex quo illud significatur, exempla Calamitatum licet clara & conspicua, contra voluptatum corruptelas non multùm proficere. Restat de remedijs Parabola non abstrusa ea quidem, sed tamen prudens & nobilis. Proponuntur enim Mali tam callidi & tam violenti remedia tria. Duo à Philosophiâ: Tertium à Religione. Atque primus effugij modus est, ut quis principijs obset, atque omnes occasiones, quæ animum tentare, & sollicitare possint, sedulo denitet: Id quod obturatio illa aurium denotat; atque hoc remedium ad animos mediocres, & plebeios necessario adhibetur, tanquam ad Comites Vlyssis. Animi autem celsiores etiam versari inter medias voluptates possunt, si Decreti constantiâ

stantiâ se muniant: quin & per hoc, virtutis suæ experimentum magis exquisitum capere gaudent; etiam voluptatum ineptias & insanias perdiscunt, potiùs contemplantes, quàm obsequentes; quod & Solomon de se professus est, cùm enumerationem voluptatum, quibus difflebat, eâ sententiâ claudat: Sapientia quoque perseuerauit mecum. Itaque huiusmodi Heroes inter maximas Voluptatum illecebras se immobiles præstare, atque in ipsis earum precipitijs se sustinere queant; tantum ad Vlyssis exemplum, interdictis perniciosis suorum consilijs & obsequijs, quæ animum maximè omnium labefactare & soluere possint. Præstantissimum autem in omni genere est remedium Orphei; qui laudes Deorum cantans & reboans, SIRENVUM voces confudit, & summovit. Meditationes enim Rerum Diuinarum, Voluptates Sensus non tantum potestate, sed etiam suauitate superant.

